


詩

花木

禽獸

大苑英華

三百二十一至三百五十一



文苑英華卷第三百二十一

詩一百七十一

花木一

牡丹花二十七首
杏花八首

桃花十五首
紫薇花三首

牡丹

牡丹

李益

紫蘂蘂開未到家却教遊客賞繁華始知年少求名處滿
眼空中別有花

題所賃宅牡丹

王建

賃宅得花饒初開恐是妖霞集作粉光深紫膩肉色退紅嬌
且願風留着唯愁日炙焦雜作鏽可憐零落蘂收取作香燒

賞牡丹

前人

此花名價別開艷益皇都香逼苓菱死紅燒躑躅枯樁軟光

籠細脉妖色暖鮮膚滿藥攢黃粉含稜縷絳蘇好和薰御
服堪盡入宮圖晚態愁新婦殘粧望病夫教人知箇數留
客貴斯須一夜輕風起千金買亦無

戲題牡丹

韓愈

幸自同開俱隱約何須相倚鬪輕盈陵晨併作新粧面對
客偏含不語情雙鶯無機來拂略拂掠還遊蜂多思正經
營長年是事皆拋盡棄今日欄邊暫眼明

唐郎中宅與諸公同飲酒看牡丹 劉禹錫

今日花前飲甘心醉數盃但愁花有語不為老人開以下三篇並見集本

渾侍中牡丹

前人

徑尺千餘朶人間有此花今朝見顏色更不向諸家

賞牡丹

前人

庭前芍藥妖無格池上芙蓉淨少情唯有牡丹真國色花

開時節動京城

惜牡丹花二首

白居易

惆悵階前紅牡丹晚來唯有兩花枝集作殘明朝風起應吹

盡夜惜衰紅把火看

二

寂寞萎紅低向雨離披破艷散隨風晴天集作落地猶惆悵

何況飄零泥土中

牡丹

李商隱

錦帷集作初卷衛夫人典略云夫子見南子繡被猶堆越鄂

君垂手亂翻雕玉珮細罽頻換集作鬱金裙石家蠟燭何

曾剪荀令香爐可待薰我是夢中傳彩筆欲書花片

集作寄朝雲

同前

盧肇

絕代祗西子衆芳唯牡丹月中虛有桂天上謾誇蘭夜濯
金波滿朝傾玉露殘性應輕菡萏根本是琅玕奪目霞千
片陵風綺一端稍冥經一作宿宿雨偏覺耐春寒見說開元
歲初令植御欄貴妃嬌欲比特女嬌羞看巧類鴛機織光
攢射月團漸移公子第還種杏花壇豪士傾囊買貧儒假
乘觀葉藏梧際鳳枝動鏡中鸞似笑賓初至如愁酒欲闌
詩人忘芍藥釋子媿拚檀酷烈且名壽姿容想姓潘素光
翻鷺羽丹靛艷鷄冠驚拂驚還語蜂貪困未安儻令紅臉
笑兼解翠眉攢少長呈連萼嬌矜寄合歡息肩移九軌無
脛到千官日耀香房拆風披藥粉乾好酬青玉案稱貯碧
冰盤壁要連城與珠堪十斛判更思初甲拆那得異泥蟠
騷詠應遺恨農經祗粗刊魯般雕不得延壽筆將殫醉客
同攀折佳人惜犯干始知來苑囿全勝在林巒泥澤當澆

酒庭除又綽寬若將桃李並方覺効頻難

牡丹二首

温庭筠

輕陰隔翠幃宿雨泣晴暉醉後佳期在歌餘舊意非蝶繁
輕粉住蜂重抱香歸莫惜薰爐夜因風到舞衣

二

水漾晴紅壓疊波曉來金粉覆庭莎裁成艷思偏應巧分
得春光最教多欲綻似含雙靨笑正繁疑有一聲歌華堂
客散簾垂地想凭欄干斂翠蛾

同前四首

薛能

異色稟陶甄常擬主者偏衆芳殊不類一笑獨奢妍顆拆
羞含懶蕞虛穩陷圓亞心堆勝被羨色艷於蓮品格如寒
食精光似少年種堪收子子價合易賢賢迴秀應無妬竒
香稱有僊深陰宜映幕富貴助開筵蜀水爭能染巫山未

可憐數難忘次第立困戀傍邊逐日愁風雨和星祝夜天
且從留盡賞離此便歸田

二 乾符二年再作

萬朶照初筵狂遊憶少年曉光如曲水顏色似西川白向
庚辛受朱從造化研衆開成伴侶相笑極神仙見焰寧勞
火聞香不帶煙自高輕月桂非偶賤池蓮影接雕盤動藜
遭惡草偏招歡憂事阻就臥覺情牽四面宜綈錦當頭稱
管絃泊來鶯定憶紛遶蝶何癩蘇息承朝露滋榮仰齊天
壓欄多盡好敵國貴宜然未落須迷醉因茲任病纏人誰
知極物空負感麟篇

三

去年零落暮春時淡濕紅殘怨別離詩一作常恐便同
巫峽散因何重有武陵期傳情每向馨香得不語還應彼一作

此知只欲攔邊安枕席夜深閑共說相思

四

牡丹愁爲牡丹飢自惜多情欲瘦羸濃焰冷香初蓋後好
風乾雨正開時吟蜂遍坐無閑藥醉客曾偷有拆枝京國
別來誰占翫此花光景屬吾詩

同前二首

韓琮

桃時杏日不爭濃葉帳陰成始放紅曉艷遠分金掌露暮
香深惹玉堂風名移蘭杜千年後貴擅笙歌百醉中如夢
如仙忽零落暮霞何處綠屏空

二 詠未開者

殘花何處藏盡在牡丹房嫩藥包金粉重葩結繡囊雲凝
巫峽夢簾閉景陽粧應恨年華促遲遲待日長

觀江南牡丹

張嬪

北地花開南地風寄根還與客心同羣芳盡怯千般態幾
醉能銷一番鬢紅舉世祇將華勝實真禪元喻色為空近
年明主思王道不許新栽滿六宮

僧院牡丹

陳標

琉璃地上開紅艷碧落天頭散曉霞應是向西無地種不
然爭肯重蓮花

牡丹

羅鄴

落盡春紅始見雜詠花花時比屋事豪奢買栽池館恐無
地看到子孫能幾家門倚長衢攢繡較雜詠帷籠輕日護
香霞歌鍾滿座爭歡賞肯信流年鬢有華

同前二首

羅隱

似共東風別有因絳羅高捲不勝春若教解語應傾國任
是無情亦動人芍藥與君為近侍芙蓉何處避芳塵可憐

韓令功成後辜負穠華過此身

二

虛白堂前相傳云
白傳手植在錢塘

欲詢往事柰無言六十年來此託根香暖幾飄表虎扇格
高長對孔融罇曾憂世亂陰難合且喜春殘色尚存莫背
欄干便相笑與君俱受主人恩

牡丹

欲傾城集作色
堪驚

裴說

數朵欲傾城安同桃李榮未嘗貧處見不似地中生比物
疑無價當春獨有名遊蜂與蝴蝶來往自多情

裴給事宅白牡丹

盧綸

長安豪貴惜春殘爭翫街西詩選作爭
賞新聞紫牡丹別有玉盤
承露冷無人起就月中看

白牡丹

王貞白

穀雨洗纖素裁為白牡丹異香開玉合輕粉泥銀盤時貯

露華濕宵傾月魄寒佳人澹粧罷無語倚朱欄

桃花

奉和詠龍門桃花

蕭愨

舊聞開露井今見植龍門樹少知非塞花高異小源論時
應未發故欲影歸軒祗言輕初學記摘罷猶勝逐風翻

詠桃

唐太宗

禁苑春暉麗花蹊綺樹裝綴條深淺色點露參差光向日
分千笑迎風共一香如何仙領側獨秀隱遙芳

望人家桃花

賀知章

山源夜雨度仙家朝發東園桃李花桃花紅李花白照灼
城隅復南陌青樓十二重春風桃李誰為容棄置千金輕
不顧踟躕五馬謝相逢徒言南國容華晚還歎西家飄落遠的
皜長春疑明光殿氛氲半入披香苑苑裏瓊木元

自竒黃金作葉白銀枝千年萬歲不凋落還將桃李更相
宜桃李從來露井傍成蹊結影矜艷陽莫道春光不可樹
會持仙實薦君王

解中見桃花南枝已開北枝未發因竒杜

副端

劉長卿

何意同根本開花每後時應緣去日遠獨自發春遲結實
因難忘去聲無言恨豈知年光不可待空羨向南枝

入百丈澗見桃花晚開

前人

百丈深澗裏過時花欲妍應緣地勢下遂使春風偏

晚桃花

白居易

一樹紅桃亞拂池竹遮松蔭晚開時非因斜日無由見不
是閑人豈得知寒地生材遺校易貧家養女嫁常遲春風
集作欲落誰憐惜白侍郎來折一枝

太林寺桃花

前人

人間四月芳菲盡山寺桃花始盛開長恨春歸無覓處不知轉入此中來

華陽觀桃花時招李六捨遺飲見二百二十七卷前人

玄都觀栽桃十韻 章孝標

驅使鬼神功攢栽萬樹紅薰香丹鳳闕粧點紫瓊宮寶帳重遮日妖金遍累空色燃燒藥火影舞步虛風粉撲青牛過枝驚白鶴沖拜星春錦上服食晚霞中碁局陰長合簫聲祕不通艷陽迷俗客幽邃失壺公根柢終盤石桑麻自轉蓬求師飽靈藥他日訪遼東

金谷園桃花

許渾

花在舞樓空年年依舊紅淚光停曉露愁態倚春風開處妾先死落時君亦終東流兩三集作兩片應到一作夜泉中

桃花

薛能

香色是天種千年豈易逢開齊全未落繁極欲相重冷濕朝入澹晴乾午更濃風光新社鷲時節舊春鴻籬落歌臨竹亭臺盡間松亂綠堪羨蟻深入不如蜂有影宜暄煦無言自治容洞連非俗世蹊盡接仙蹤子熟河應變根盤土已封西王潛愛惜東朔恣過從醉席眠英好題詩戀境慵芳菲聊一望何必是臨邛

敷水小桃盛開因題

温庭筠

敷水小橋東娟娟一作娟娟照靈叢所嗟非勝地堪恨是春風二月艷陽節一枝惆悵紅定知留不住吹落路塵中

反生桃花發因題

前人

病眼逢春四壁空夜來山雪破東風未知王母千年熟且共劉郎一笑同已落又開橫晚翠似無如有帶朝紅僧虔

密炬高三尺莫惜連宵照露叢

小桃

鄭谷

和煙和雨遮敷水映村連灞橋一作撩弄春風柰寒冷到

頭贏得杏花嬌一作

桃花

羅隱

暖觸衣襟漠漠香間梅遮柳不勝芳數枝艷拂文君酒半里

紅歌宋玉墻盡日無人疑怨一作望有時經雨乍淒涼舊

山山下還如此迴首東風一斷腸

杏花

杏苑杏花

張籍

發苑杏花在行人愁過集作時獨開新塹底半露舊燒枝

晚色連荒轍低陰覆折碑濛濛集作古陵路集作春盡又

誰知

杏園花下贈劉郎中

白居易

恠君把酒偏惆悵曾是貞元花下人自別花來多少事東

風二十四迴春

酬白樂天杏園花

劉禹錫

二十餘年作逐臣歸來還見曲江春遊人莫笑白頭醉老

醉花間一作能一作幾人

同前

元稹

劉郎不用鬧惆悵且作花間共醉人算得貞元舊朝士幾

負同見大和春

右三篇又見第二百四十五卷前已削去而存于此

同白侍郎杏園贈劉郎中

張籍

一去瀟湘頭已集作白今朝始見杏園雜詠春從來遷客

應無數重到花前有幾人

杏花

温庭筠

紅花初綻雪花繁重疊高低滿小園正見盛時猶悵望豈
堪開處已續翻情為世界詩千首醉是吾鄉酒一罇杳杳
艷歌春日午出墻何處隔朱門

同前

李商隱

上國昔相值亭亭如欲言異鄉今暫賞脉脉豈無思援少
風多力墻高月有痕為含無恨思集作意遂到不勝繁仙子玉
京路主集作佳人金谷園幾時辭碧落誰伴過黄昏鏡拂鉛
華膩鑪藏桂燼温終應催竹葉先擬詠桃根莫學啼成血
從教夢寄魂吳王採香逕失路入煙村

同前

鄭谷

不學梅欺一作敵雪輕紅照碧池小桃新謝後雙鷺恰集作却
來時香屬登龍客集作室煙籠宿蝶枝臨軒須貌音貌蠶雨

易離披

紫薇

邵齋有紫薇雙本自朱明接于徂暑其花芳馥
數旬猶茂庭宇之內迴無其倫予嘉其美而能
久因詩紀述

揚於陵

晏朝受明命維夏走天衢逮茲三伏候息駕萬里途省窮
既躅躅結思多煩紆簿領幸無事宴休誰與娛內齋有嘉
樹雙植分庭隅綠葉下成幄紫花紛若鋪摘霞晚舒艷凝
露朝垂珠炎沴晝方鏢幽姿閑且都夭桃固難匹芍藥寧
為徒懿此時節久詎同光景驅陶甄試一致品彙乃散殊
擢質非受采無心那奪朱粵予負羈紲留賞益踟躕通夕
靡云倦西南山月孤

奉和侍郎二丈

四字集作柳州揚侍郎

翫郡齋紫薇花十

幾年丹霄上出入金華省暫別萬年枝看花桂陽嶺南方
 足奇樹公府成佳境緣陰交廣除明艷透蕭屏雨餘人吏
 散驚語簾櫳靜懿此含晚芳脩然忘簿領紫茸垂組綬金
 縷攢鋒穎露溽暗傳香風輕徐就影萼弱多意思從客占
 時一作景德地在侯家移根近仙井開樽好疑睇倚瑟仍
 回頸遊蜂駐絲冠舞鶴迷煙頂興生紅藥後愛與甘棠並不
 學天挑姿浮榮在俄頃

臨發崇諱宅紫薇

李商隱

一樹濃姿獨看來秋庭暮雨類輕埃不先搖落應為有待
 欲別離休更開挑綬含情依露井柳綿相憶隔章臺天涯
 地角同榮謝豈要移根上苑栽

文苑英華卷第三百二十一登仕郎胡柯鄉貢進士彭叔夏校正

文苑英華卷第三百二十二

詩一百七十二

花木二

梅花二十首

芙蓉花九首

蓮花七首

石榴花八首

海棠花七首

玫瑰二首

玉蘂二首

薔薇四首

菊花十二首

蜀葵四首

梅花

雪裏覓梅花

梁簡文帝

絕訝梅花晚爭來雪裏窺下枝低可見高處遠難知俱羞
 惜腕露相讓道腰羸定須還剪絲學作兩三枝以下六篇並見初學記

梅花

吳均

梅性本輕蕩世人相陵賤故作負霜集作雪花欲使綺羅見

但願深相知千摧非所戀

早梅

何遜

兔園標物序驚時最是梅
街霜當路發映雪擬寒開
枝橫却月觀花遠陵風臺
朝灑長門泣夕駐臨邛
杯應知早飄落故逐上春來

和孔中丘雪裏梅花

王筠

水泉猶未動庭樹已先知
翻光同雪舞落素混一作冰池
今春競時發猶是昔年枝
唯有長顛顛對鏡不能窺

同蕭左丞詠摘梅花

庾肩吾

窻梅朝始發庭雪晚初消
折花牽短樹樹攀叢入細條
垂冰溜玉手含刺冒春香
遠道終難寄馨香徒自饒

梅花

庾信

常年臘月半已覺梅花闌
不信今春晚俱未雪裏看
樹動

懸冰落枝高出手寒早知覓不見真悔着衣單

在蜀正朝摘梅

張說見集本

蜀地寒猶暖正朝發早梅偏驚萬里客
已復一年來

庭梅

張九齡見集本

芳意何能早孤榮亦自危
更憐花帶弱不受歲寒移
朔雪那相妬陰風已屢吹
馨香雖尚爾飄蕩復誰知

和常州崔使君詠後庭梅二首
孫逖

聞唱梅花落江南春意深
更傳千里外來入越人吟
弱幹紅粧倚繁香翠羽尋
庭中自公日歌舞向芳陰

二

梅院重門掩遙遙歌吹邊
庭深人不見春至曲能傳
花落彈碁處香來薦枕前
使君停五馬行樂此中偏

官舍早梅

張謂

堦下雙梅樹春來盡不成晚時花未一作易落陰處葉難生摘
子防人到攀枝畏鳥驚風光先占得桃李莫相輕

早梅

戎昱

一樹寒梅白玉條迴臨村路傍溪橋不知絕句詩選作應緣近水花
先發疑是經春一作冬雪未銷

和薛秀才尋梅花同飲見贈 白居易

忽驚林下發寒梅便試花前飲冷盃白馬走迎詩客去紅
筵鋪待舞人來歌聲怨處微微落酒氣熏時旋旋開若到
歲來集作寒無雨雪猶應醉得兩三迴

梅

杜牧見集本

輕盈照溪水掩飲下瑤臺妬雪聊相比欺春不逐來偶同佳
客見似為凍醪開若在秦樓畔堪為弄玉媒

酬崔八早梅有贈兼見示之什 李商隱

知訪寒梅過野塘久留金勒為迴腸謝郎衣袖初翻雪荀
令薰鑪更換香何處拂曾資蝶粉幾時塗額藉蜂黃維摩
一室雖多病要舞集作亦要天花作道場時余在惠祥上人講
地羅舍宅賴許
時時聽法來

人日梅花病中作

李羣玉

去年今日湘西寺獨把寒梅愁斷腸今年此日江邊宅卧
見瓊枝低壓墻半落半開臨野岸團情團思醉韶光玉鱗
寂寂飛斜月素艷亭亭帶雜詩作對夕陽已被兒童苦攀折更
遭風雨雜詩作雪損馨香洛陽桃李漸撩亂回首行宮春景長

江梅

鄭谷見集本

江梅且緩飛前輩有歌詞莫惜黃金縷難忘白雪枝吟看歸
不得醉艱立如癡和雨和煙折含情寄所思

梅

前人

江國正寒春 穩嶺頭枝上雪飄飄何言落處堪惆悵恨直
是開時也寂寥素艷照罇桃莫比孤香粘袖李須饒離人
南去腸應斷片片隨鞭過楚橋

梅花

羅隱

吳王醉處十餘里照野集作夜拂衣今正繁經雨不隨山鳥
散倚風疑共路人言愁憐粉艷飄歌席靜愛寒香撲酒罇
欲寄所思無好信為君惆悵恨又黃昏

人日新安道中見梅花

其年以徐冠停舉

前人

長途酒醒臘天寒嫩蘂香英撲馬鞍不上壽陽公主面憐
君開得却無端

芙蓉

賦得涉江採芙蓉

梁孝元帝

見初學記

江風當夏清桂楫逐流縈初疑京兆劍復似漢冠名荷香

風送遠蓮影向根生葉卷珠難溜花舒紅易輕日暮鳧舟
滿歸來度錦城

同前

孔德紹

蓮舟泛錦磧極目眺江干沿流撒渡易逆浪取花難有霧
疑川廣無風見水寬朝來採摘倦詎得久盤桓

同心芙蓉

朱超

青山麗朝景玄峯朗月類聚作夜光未及清池上紅蕖並出房
日分雙蒂影風合兩花香魚驚畏蓮折龜上礙荷長雲雨
流輕潤草木應嘉祥徒歌江上類聚作涉江曲誰見緝為裳

同前

杜公瞻

見初學記

灼灼荷花瑞亭亭出水中一莖孤引綠雙影共分紅色奪
歌人臉香亂舞衣風名蓮自可念沉復兩心同

芙蓉

辛德源

洛神挺疑素文君拂艷紅麗質徒相比鮮姿樂府作彩難兩同

採芙蓉

唐太宗見初學記

結伴戲方塘携手上雕航船移分細浪風散動浮香游鴛
無定曲驚鳧有亂行蓮稀釧聲斷水廣棹歌長棲鳥還密
樹泛流歸建章

秋朝木芙蓉

李嘉祐

水面芙蓉秋已衰繁條倒是着花時平明露滴垂紅臉似
有朝愁集作開暮落悲

闕下芙蓉

包何見類詩

一人理國致昇平萬物呈祥助聖明天上河從闕下過江
南花向殿前生慶雲垂蔭開難落湛露為珠滿不傾更對
樂懸張篋簾歌工欲奏採蓮聲

重臺芙蓉

李德裕

芙蓉含露時秀色波中溢玉女櫛集作襲朱裳重重映皓質
晨霞耀丹景雜詠作紫片片明秋日蘭澤多衆芳妍姿不相匹

蓮荷

秋池一株蓮

弘執恭

秋至皆虛落陵波獨吐紅託根方得所未肯即從風

重臺蓮

李紳

綠荷舒卷涼風曉紅萼開縈紫的重游女漢皋爭笑臉二
妃湘浦並愁容自含秋露真姿結不曉春妖冶態穠終恐
玉京仙子識却持歸種碧池峯

南池嘉蓮

姚合

芙蓉池裏一作上葉田田一本雙枝集作花照碧泉濃麗集作淡
共妍香各散東西分艷帶相連自知政術無他異縱是禎

祥亦偶然四野人聞皆盡喜爭來入郭看嘉蓮

永樂殷堯藩明府縣池嘉蓮詠 雍陶

青蘋白石匝蓮塘水裏蓮開帶瑞光露濕紅芳雙朶重風
搖綠帶一根長同心椀子徒誇艷合穗嘉禾豈解香不獨
豐祥先有應更宜花縣對潘郎

荷花

李商隱

都無色可並不柰此香何瑶席乘涼設金羈落曉集作過

覆集作回袞燈照綺渡鞦韆水沾羅預想秋前集作前別離居夢權歌

和太常杜少卿東都脩竹里有嘉蓮 温庭筠

春秋罷注真銅龍舊宅嘉蓮照水紅兩處龜巢清露裏一
時魚躍翠莖東同心表瑞荀池上半面分粧樂鏡中為應
臨川多麗句故持重艷向西風

蓮葉

鄭谷

移舟水濺差差綠倚檻風斜集作搖柄柄香多謝浣紗集作溪

人莫集作不折雨中留得蓋鴛鴦

石榴

摘安石榴枝贈劉孝威 董林安石榴也 王筠

中庭有奇樹當戶發華滋素莖表朱實綠葉厠紅蕤既標
太冲賦復見安仁詩宗生仁壽殿族代疑作茂河陽湄有美

清淮比如玉又如龜退書寫蟲篆進對多好辭我家新置
側新置側已隣居可來不難識相望阻盈盈相思滿習臆高枝為

君採請寄西飛翼

石榴

孔紹

可惜庭中樹移根逐漢臣只為來時晚開花不及春

翫郡齋海榴

宋之問

澤國韶氣早開簾正齊天野禽宵未轉山蜚晝仍眠目茲

海榴發列映巖楹前熠燿禦風靜歲蕤含景鮮清晨綠堪
佩亭午丹欲然昔忝金闕籍嘗見玉池邊未若宗族地更
逢榮耀全南金雖自貴一作賞詎一作誰能遷撫躬萬里絕豈
染一朝妍從祿滯遐郡賞一作常是惜流年越俗鄙章甫捫心
空自憐

同和詠樓前海石榴二首

孫逖

客自新亭郡朝來數物華傳君妓樓好初落海榴花露色
珠簾映香風粉壁遮更宜林下兩日晚逐行車

二

海上移珠木樓前詠所思遙聞下車日正在落花時舊綠
香行蓋新紅酒步一作疑茶一作疑從來寒不易終見久逾滋

題常潤州後亭海榴

李嘉祐見集本

江上年年小雪逢年光獨報海榴知寂寂山城風日暖謝

公含笑向南枝

常中丞西廳海榴

皇甫冉

海榴爭讓候榴花犯雪先開內史家末客朝朝鈴閣下從
公步履翫年華

題山石榴花

白居易見集本

一叢千朵壓攔干剪碎紅綃却作團風嫋舞腰香不盡露
銷粧臉淚初一作新乾薔薇帶刺攀常懶菡萏生泥翫亦難
不及此花簷戶下任人採弄盡上聲人看

海棠

左掖海棠詠

集作梨花詠

王維

閑酒堦邊草輕隨箔外風黃鸝弄不足銜向集作入未央宮

海棠

李紳

海邊佳樹生奇彩知是仙山取得栽瓊藥籍中聞闔苑紫

芝圖上見蓬萊淺深芳萼通宵換委積紅英報晚開寄語
春園百花道莫爭顏色泛金杯

海棠

薛能

酷烈復離披玄功莫我知青苔特疑長處暮柳間開時帶醉遊
人挿連陰彼叟移晨前清露濕晏後惡風吹香少傳何許
妍多畫半遺島蘇連水脉庭綻粒松枝偶泛因沉硯閑飄
欲亂暮遠山生玉壘和郡遍坤維負賞蘄一作休飲牽吟
分失飢明年應不見留此贈巴兒

題岷嶺海棠花

温庭筠

幽態竟誰賞歲華空與期鳥迴香盡處泉照艷濃時蜀彩
澹搖曳吳粧低怨思王孫又誰恨惆悵下山逢

擢第後入蜀經羅村溪路見海棠盛開偶有
題詠

鄭谷

上國休誇紅杏苑深溪自照綠苔磯一枝低帶流鶯睡數
片枉隨集作和舞碟飛堪恨路長移不得可無人與畫將歸
手中已有新春桂多謝煙香更惹集作入衣

海棠

前人

春風用意勻顏色銷得携觴與賦詩艷麗最宜新着雨嬌
饒全在欲開時莫愁粉雜詩作淺黛臨窓嬾梁廣丹青點筆逢
朝醉暮吟看不足羨他蝴蝶宿深枝

蜀中賞海棠

前人

濃澹芳春滿蜀鄉半隨風雨斷鶯一作仁腸浣花溪上堪惆悵
子羨無情爲發揚

玫瑰

奉和中書李舍人昆季詠玫瑰花寄徐郎中盧綸
獨鶴寄煙霜雙鸞思晚芳舊陰依謝宅新艷出丘墻蝶起

搖輕露鷺銜入夕陽雨朝勝濯錦風夜劇焚香斷燒千重
焰孤霞一片光密未驚葉少動處覺枝長布影期高賞留
春為遠芳嘗聞贈瓊玖叨和費登堂

同前

司空曙

仙吏紫薇郎奇花共翫芳攢星排綠帶照眼發和光暗妬
翻堦藥遙連直署香透枝蜂逸易礙刺鳥銜妨露濕凝衣
粉風吹散藥黃蒙籠珠樹合煥爛錦屏張留客客看竹思
人比愛棠如當一作採蘋詠遠思滿瀟湘

玉藥

唐昌觀玉藥

武元衡見集本

琪樹年年玉藥新洞宮長閉綵霞春日暮落英鋪地雪獻
花無復九天人

唐昌觀玉藥花詠

楊巨源

晴空素艷照霞門香洒天風不到塵持贈昔聞將白雪藥
珠宮上玉花春門字可疑別本作照霞新

薔薇

劉侍中宅盤花紫薔薇

章孝標

真宰偏饒麗景家當春盤出帶根霞從聞一朶朝依色免
踏塵埃看雜花

薔薇

朱慶餘

遶架雜詠作四面垂條密浮陰入夏清綠攢傷手刺紅墮斷腸
英粉着蜂鬚膩光凝蝶翅明雨來雜詠作中看亦好况復值初晴

朱秀才庭際薔薇

方干見類時

繡難相似畫難成明媚鮮妍絕比倫露壓盤條方到地風
吹艷色欲燒春斷霞轉影侵西壁濃麝分香入四隣看取
後時歸故里爛花須讓一作庭花應謝錦衣新

臨水薔薇

李羣玉

堪愛

恨集作

復堪傷無情不久長浪搖千臉淡

集作

風舞一

身香

後集作叢芳似

濯文君錦如啼

一作

漢女粧所思雲雨

外何處寄馨香

菊花

賦得殘菊花

唐太宗

階蘭凝曙霜岸菊照晨光露濃晞曉笑風勁搖殘香細葉

雕輕翠園花飛碎黃還持

初李記

今歲色復結後年芳

秋菊

駱賓王

擢秀三秋晚開芳十步中分黃俱笑日含翠共搖風碎影

涵流動浮香隔岸通金翹徒可泛玉竿竟誰同

東園翫菊

白居易

少年昨已去芳歲今又闌如何寂寞意復此荒涼園園中

獨立夕日淡風露寒秋蔬盡蕪沒好樹亦凋殘唯有數叢

菊新開籬落間携觴聊自

集作

酌為爾一留連憶我少年

日易為興所牽見酒無時節未飲已欣然近從年長來漸

覺取樂難常恐更衰老彊醉

集作

亦無歡顧謂爾菊花後

時何獨鮮誠知不為我借爾暫開顏

和錢員外早冬翫禁中新菊

前人

禁署寒氣遲孟冬菊初一作拆新黃間繁綠爛若金照碧仙

郎小隱日

集作

心似陶彭澤秋憐潭上看日慣籬邊摘今

來此地賞野意潛自適金馬門內花玉山峯下客寒芳引

清句吟賞

集作

煙景夕賜酒色偏宜握蘭香不敵凄凄百

卉死歲晚冰霜積有此花開時

集作

唯有啟勤助君惜

菊

釋無可

東籬搖落後密艷被寒催夾雨驚新拆經霜忽盡開野香

盈客袖禁藥泛天杯不共春蘭並悠揚遠蝶來

菊

李商隱

暗暗澹澹紫融融冶冶黃陶令籬邊色羅含宅裏香幾時
禁重露實是怯斜集作殘陽願沉金鸚鵡昇君白玉堂

野菊

前人

苦竹園南椒塢邊微香冉冉淚涓涓已悲節物同寒鴈忍
委芳心與暮蟬細路獨來當此夕清罇相伴省他年紫雲
一作微新苑移花處不取霜栽近御筵

詠夾逕菊

薛能

夾逕盡黃英不通人並行幾曾相對綻元自兩行生叢比
高低等香連左右并畔搖風勢斷中夾日華明間隔蛩吟
隔交橫蝶亂橫頻應泛桑落摘處近前楹

白菊

許堂

所尚雪霜姿非關落帽期香飄風外別影到月中疑發在
林凋後繁類詩作開當露冷時人間稀有此自古乃無詩

十日菊

鄭谷

節去蜂愁蝶不知曉來集作庭還繞折花集作殘枝自緣今日人
心別未必秋香一夜衰

白菊

張蠟

秋天木葉乾猶有白花殘舉世稀栽得豪家却畫看片苔
相映綠諸卉獨宜寒幾度携佳客登高欲折難

菊

羅隱

籬落歲云晏集作暮數枝聊自芳雪裁纖蘂密金拆小苞香
千載白衣酒一生青女霜春叢莫輕薄彼此有行藏

蜀葵

黃蜀葵

薛能

嬌黃新嫩類詩欲題詩盡日含毫有所思記得玉人初病較類詩道家裝束厭禳時作起

黃蜀葵

崔涯

野欄秋景晚踈散兩三枝嫩蘂類詩淺輕態幽香閑澹安作碧露傾金盞小風引道冠歌獨立悄無語清愁人詎類詩知作不

蜀葵

陳標

眼前無柰蜀葵何淺紫深紅數百窠能共牡丹爭幾許得人輕處祇緣多

蜀葵詠

陳陶

綠衣去地紅倡倡薰風似舞諸女郎南隣蕩子婦無賴錦機春夜成文章

文苑英華卷第三百二十二登仕郎胡柯鄉貢進士彭叔夏校正

文苑英華卷第三百二十三

詩一百七十三

花木三

山花二首

刺桐五首

看花四首

惜花七首

殘花二首

雜花二十五首

柳三十二首

山花

山花

錢起

山花照塢復燒溪樹樹枝盡可迷野客未來枝畔立流鶯已向樹邊啼從容只是愁風起眷戀常須向日西別有妖妍勝桃李攀來折去亦成蹊向日類詩作到日

題友人山花

方干

平明方盡拆集作為得集作好風吹不見移來日先愁落

去時濃香薰疊葉繁朵墜早類聚枝來集作看皆終夕

游蜂似集作有期

刺桐

泉州刺桐花詠五首兼呈趙使君陳陶

海曲春深滿郡霞越人多種刺桐花可憐虎竹西樓色錦帳三千阿母家

二

石氏金園無此艷南都舊賦乏靈材只因赤帝宮中樹丹鳳新銜出世來

三

猗猗小艷夾通衢晴日薰風笑越妹只是紅芳移不得刺桐屏障滿都中

四

不勝攀折悵年華紅樹南看見海涯故園春風歸去盡何人堪寄一枝花

五

赤帝常詩選聞海上遊三千幢蓋擁炎州今來樹似離宮色紅翠斜欹詩選十二樓

看花

帝員外東齋看花

李端

入花凡幾步此樹獨相留發艷紅枝合垂煙綠水幽併開偏覺好未落已堪愁一到芳菲下空貽兩鬢秋

夏日裴尹員外西齋看花

楊巨源

笑向東一作來客看花枉在前始知清夏月更勝艷陽天露濕呈粧汗風吹畏火燃葱籠和葉盛爛漫墜枝鮮紅彩當鈴閣清香到玉筵蝶栖驚曙色鶯語滯一作晴煙得地

殊堪賞過時倍覺妍芳菲逢最好唯是謝家憐

共友人看花

羅鄴

愁將百萬一作里身來伴看花人何事獨惆悵故園還又春

看花

前人

花開只恐看花遲及到愁多詩選作如未看時家在楚鄉身在蜀一年春色負歸期

惜花

惜花吟

鮑君微

枝上花花下人可憐顏色俱青春昨日看花花灼灼今日看花花欲落不如盡此花下歡莫待春風惣吹却鴛歌蝶舞韶光長紅爐煮茗松花香粧成吟罷恣遊後獨把芳枝歸洞房

山中惜花

王建

忽闌花漸稀辭過酒醒逢尋覓風來處驚張夜落時遊絲

纏故藥宿葉守空枝開取當軒地年年樹底期

惜花

于鵠

夜來花落盡偏惜兩三枝早起尋稀處閑眠記落時藥焦蜂自散蒂折蝶還稀攀著殷勤別明年更有期

荆南陪樊尚書惜落花

前人

老大看花長不足沿江尋得一株紅黃昏人散東風起吹落誰家明月中

惜落花

白居易

夜來風雨急無復舊花林枝上三分落園中一寸深日斜啼鳥思春盡老人心莫恠添杯飲情多酒不禁

惜落花贈崔二十四

前人

漠漠紛紛不柰何狂風急雨兩相和晚來帳望君知否枝上稀疎地上多

惜花

方干

可憐天

集作妍

艷正當時剛被狂風一夜吹今日流鶯來舊

處百般言語泥

集作璉

空枝

殘花

翫殘花

楊發

十日穠芳一歲程東風初急眼偏明低枝似泥幽人醉莫道無情是有情

殘花

羅隱

已嘆良時晚仍悲別酒催暖芳隨日薄殘

集作輕

片逐風迴

黛斂愁歌扇粧紅

集作殘

泣鏡臺繁陰莫矜銜終是共塵埃

雜花

夏中崔中丞宅見海紅搖落後一花獨開

劉長卿

何事一花殘閑庭百草闌綠滋經雨發紅艷隔林看竟日

餘香在過時獨秀難共憐芳意晚秋露未湏團

集作溥

茂葵花歌

劉脊虛

附見岑參集

昨日一花開今日一花開今日花正好昨日花已老人生

不得長

集作恒

少年莫惜床頭沽酒錢有錢向酒家君不見

茂蔡花

雲陽寺詠石竹花

司空曙

一自幽山別相逢此寺中高低俱出

集作有

葉深淺不分叢

野蝶難爭白庭榴暗讓紅誰憐芳最久春露到秋風

同耿緯司空曙二拾遺詠帝負外東齋花樹

盧綸

綠砌紅花樹狂風獨未吹光中如有焰密處似無枝鳥動

香重發人愁影屢移今朝數片落為報外郎知

花一字至七字

張南史

花花深淺芬葩凝為雪錯為霞鶯知蝶到苑占宮遮已迷

金谷路頻駐玉人車芳草欲陵芳樹東家半落西家願得
春風相伴去一攀折向天涯

花

戴叔倫

花發炎景中芳春獨能久因風任開落向日無先後若待
秋霜來蘭蓀共何有

宮苑花

集作宮怨

李益

露濕晴花春殿香月明歌吹在昭陽似將海水添宮漏共
滴長門一夜長

此篇集以宮怨為題語亦相應今英華作宮苑花入此門恐誤

與李文仲秀才同賦泛酒花詩 揚巨源

若道春無賴飛花合逐風巧知人意裏解入酒杯中香濕
勝含露光搖似泛空請君迴首看一作醉眼幾片舞芳叢

題花樹

楊衡

都無看花意偶到樹邊來可憐枝上色一一為愁開

種

戎昱

自用金錢買種栽二年方始一花開憐紅未許家一作人
見蝴蝶爭知早到來

同友人尋澗花

白居易

聞有澗底花貫得村中酒與君來校遲已逢搖落後臨觴
有遺恨悵望空溪口記取花發時期君重携手我生日日
老春色年年有且作來歲期不知身健否

東坡種花二首

前人

持錢買花樹城東坡上栽但購有花者不限桃李集作杏梅
百果參雜種千枝次第開天時有早晚地力無高低紅者
霞艷艷白者雪皚皚游蜂遂不去好鳥亦栖來前有長流
水下有小平臺時拂臺上石一舉風前盃花枝蔭我頭花

藥入集作落我懷獨酌復獨詠不覺日平西巴俗不愛花竟春無人來唯此醉太守盡日不能迴

二

東坡春向暮樹下今何如漠漠花落盡翳翳葉生初集作初舒每日領僮僕荷鋤仍鑿集作決渠剗土雍其本引泉溉其枯小樹低數尺大樹長丈餘封植來幾時高下齊扶踈養樹既如此養民亦何殊將欲茂枝葉必先救根株云何救根株勸農均賦租云何茂枝葉省事寬刑書移此為郡政庶幾民集作吐俗蘇

山枇杷花

前人

深山老去惜年華況對東溪野枇杷火樹風來翻絳焰瓊枝日出曬紅紗迴看桃李都無色映得芙蓉不是花爭柰結根深石底無因移得到人家

贈僧院花

前人

欲悟色空為佛事故栽芳樹在僧家細看便是華嚴偈方便風開智慧花

長安花

聶夷中

種花滿西集作田園花發青樓道花下一禾生去之為惡草

晚春花

項斯見百家詩選

陰洞日光薄花開不及時當春無半樹經燒足空枝踈與香風會細將泉影移此中人到少開盡幾人知

苦練花

温庭筠

院裏鶯歌歇墻頭舞蝶孤天香薰羽葆宮紫暈流蘇掩暖迷清瑣氛氳向畫圖只應春惜別留與博山爐

蓼花

鄭谷

簇簇復悠悠年年拂漫流差池伴黃菊冷淡過清秋晚帶

鳴蛩

一作蟲

急寒藏宿鷺愁故溪歸不得憑仗繫漁舟

水林擒花

前人

一露一朝新簾櫳曉景分艷和蜂蝶動香帶管絃聞笑擬

春無力粧穠

集作濃

酒漸醺直疑風雨

集作起

夜飛去替行雲

槐花

前人

粃粃金縷撲晴空舉子魂驚落照中今日老郎猶有恨昔年相虐十秋風

歎花

崔塗

遲遲傍晚陰昨夜色猶深畢竟榮須落堪悲古與今年何處見盡日此時心蜂蝶無情極殘香更不尋

贈花

李羣玉

酒為看花醞花須趁酒紅嗔集作莫令芳樹晚使我綠樽空金谷園無主仙源路不通縱非乘酒興集作露折長短盡隨風

對花

秦韜玉

長與韶光暗有期可憐蜂蝶即詩選誰家促席臨低樹何處橫釵戴詩選小枝麗日多情宜詩選曲照和風得路合偏吹向人雖道渾無語幾勸王孫到醉時

庭花

羅隱

昨日芳艷濃開罇幾同醉今朝風雨惡惆悵人生事南威病不起西子老兼至向晚寂無人相俛墮紅淚

柳

詠雲陽樓簷柳

梁元帝

揚柳非花樹依樓自覺春枝邊通粉色隙裏映紅巾帶日交簾影因吹掃窻塵拂簷應有意偏宜桃李人

柳

吳均

細柳生堂北長風發鴈門秋霜常振葉春露詎濡根朝作

離蟬宇暮成宿鳥園不為君所愛摧折當何言

垂柳映斜溪

張正見

千仞青溪險三陽弱柳垂葉細臨湍合根空帶石危風翻
夾浦繁雨濯向流枝不分梅花落還同橫笛吹

敬和衛尉于卿柳

杜之松

漢將本屯營遼河有戍城大夫曾取姓先生曾得名高枝
拂遠鴈踈影度遙星不辭攀折苦為入管絃聲

春池柳

唐太宗見初學記

年柳變池臺隋堤曲直迴逐浪絲陰去迎風帶影來踈黃
一鳥呀半翠幾眉開縈雪臨春岸參差間梅早

柳

許景元

春色東來渡渭橋青門垂柳百千條垂疑作揚西連建章
路漢家林苑紛無數榮花始適合一作歡真一作遊絲半冒相

思樹春樓初日照南隅柔條垂綠掃金鋪寶釵新梳倭墮
鬢錦帶交垂連理襦自憐柳塞淹戎幕銀燭長啼愁夢着
芳樹朝催玉管新春風夜染羅衣薄城頭楊柳已如絲今
年花落去年時折芳遠寄相思曲為惜容華難再持

題河邊枯柳

王冷然

隋家天子憶揚州猷坐深宮傍海遊穿地鑿山開御路鳴
笳疊鼓泛春流流鞏北河分口直到淮南種官柳成功力
盡人旋亡運謝年移樹空有當時彩女侍君王帳殿旌門
對柳行青葉交垂連幔色白花飛散染衣香今日摧殘何
用道數里曾無一株好驛騎江帆損更多山精野魅藏應
老涼秋九月露為霜日夜孤舟入帝鄉河畔時時聞一作
用時間有落木客中無箇不霑裳

柳絮

吉中孚妻張氏

靄靄芳春朝雪絮起青條或值花同舞不因風自飄過鐫
浮綠醕拂幌綴紅綃那用持愁翫春懷不自聊

庭柳

姚係

裊裊楊柳枝當軒雜珮垂交陰惣共密分條各自宜因依
似永久類詩攬結更傷離愛此陽春色秋風莫遽吹

賦得灞岸春留牽攀折為行人

揚巨源

楊柳寒煙灞岸春年年攀折為行人好風儻借低枝便莫
遣青絲掃路塵

楊花落

前人

北斗南迴春物老紅英落盡綠尚早韶風澹蕩無所依偏
惜垂楊作春好此時可憐楊柳紫盈艷曳滿人家子女
兒出羅幕靜掃玉庭待花落寶環纖手捧更飛翠羽輕
裾承不着歷瑤琴舞金陳藉紅拂黛憐玉人東園桃李

芳已歇獨有楊花嬌暮春

勤政樓西柳老

白居易

半朽臨風樹多情立馬人開元株柳長慶二年春

題中雨衰柳

前人

濕屈青條折寒飄黃葉多不知秋雨意更遣欲如何

楊柳枝詞

前人

陶令門前四五樹亞夫營裏百條千何似東都正二月黃
金枝映洛陽橋

柳二首

李紳

千條楊類詩柳拂絲日暖牽風葉學眉愁見花狂飛類詩作
不定還同輕薄五陵兒

二

陶令門晉接籬亞夫營裏拂朱旗人事推移無舊物年年

春至綠垂絲

同前

杜牧

日落水流西復東春光不盡柳何窮
巫娥廟裏低含雨宋玉宅類詩作門前斜帶風不嫌類詩作將榆莢共爭翠深感杏類詩作深與桃

同前

温庭筠

揚柳千條拂面絲綠煙金穗不勝移集作吹香隨靜婉歌塵起影伴嬌饒舞袖垂羌管一聲何處曲流鶯百轉最高枝千門九陌花如雪飛過官牆兩不自集作知

同前二首

李商隱

動春何限葉撼曉幾多枝解有相思否應無不舞時絮飛藏皓蝶帶弱露黃鸝傾國宜通體誰家集作來獨賞眉以下三篇並見集李

二

為有橋邊拂面香何曾自敢占流光後庭玉樹承恩澤不信年華有斷腸

詭柳

前人

已帶黃金縷仍飛白玉花長時須拂馬密處少藏鴟眉細從他劔罽輕莫自斜毒梁誰道好偏擬映盧家

評柳

薛逢

弱植驚風急自傷暮來翻遣思悠揚曾飄綺陌隨高下敢拂朱欄競短長縈砌乍飛還乍舞撲池如雪又如霜莫令歧路頻攀折漸擬垂陰到畫堂

柳絮

薛陶

二月楊花輕復微春風飄蕩一作蕩漾惹人衣他家本是無情物一向南飛又北飛

新柳

薛能

輕輕須重不須輕衆木難成獨早成
柔性定勝剛性立一枝還引萬枝生
天鍾和氣元無力時遇風光別有情
誰道少逢知己用將軍因此建雄名

詠柳花

前人

浮生失意頻起絮又飄淪發自誰家
樹飛來獨院春朝容縈斷砌晴影過
諸隣亂掩空中還一作衝陌上人隨波
應到海霑雨或依塵會向慈恩日輕對
此身

柳

韓琮

折柳歌中得翠條遠移金殿種青霄
上陽宮女吞聲送不忿先歸學舞嘗

同前

韓喜類詩

雪入青雲

類詩作雪盡青門

弄影微暖風遲日早駕歸如憑細葉

留春色須把長條繫落暉彭澤有情還
鬱鬱隋堤無主自

類詩

依依世間惹恨偏饒此可是行人折贈稀

同前

方干

搖曳惹風吹臨堤軟勝絲態濃誰爲類詩龍力弱自難持

學舞枝翻袖呈粧展眉如何一攀折懷友又題詩

同前

鄭谷

半煙半雨溪

集作江

橋畔映杏挑山路中會得離人無限

意千絲萬絮惹春風

同前二首

顧雲

帶露含煙處處垂綻黃搖綠嫩參差堤未見風飄絮廣陌
初憐日映絲斜傍畫筵偷舞態低臨粧閣學愁眉離亭不
放到春暮折盡拂簷千萬枝

二

閑花野草惣爭新眉皺絲乾獨不勻乞取東風殘氣力莫

教虛度一年春

同前

羅隱

霸岸晴來送別頻相偎相倚不勝春自家飛絮猶無定
爭把長條絆得人集作爭解垂

文苑英華卷第三百二十三

登仕郎胡柯

鄉貢進士彭

叔夏

校正

文苑英華卷第三百二十四

詩一百七十四

花木四

松三十七首

栢二首

桂六首

檜一首

杉一首

桐八首

槐二首

松

北鄉古松樹

隋煬帝

古松唯一樹森竦詎成林獨留塵尾影猶橫偃蓋陰雲來
聚雲色風度雜風音孤生小庭裏尚表歲寒心

松樹

李德林

結根生上苑擢秀邇華池歲寒無改色年長有倒枝露自
金盤灑風從玉樹吹寄言謝霜雪貞心自不移

松

李嶠

鬱鬱高巖表，森幽澗垂鶴。棲君子樹，風拂大夫枝。百尺條陰合，千年蓋影披。歲寒知不及，類詩作終不改勁節幸君知。

四松

幸秀發幸集作會足為集杜甫

四松初移時，大抵三尺疆。別來忽三歲，離立如人長。會看根不拔，莫許枝凋傷。幽色幸秀發，踈柯已昂藏。所挿小藩籬，本亦隄防終。然振撥損得塊，集作千葉黃。敢為故林主，黎庶猶未康。避賊今始歸，春草滿空當。覽物歎哀謝，及茲慰淒涼。清風為我起，灑面若微霜。足為送老資，聊待偃蓋張。我生無根蒂，配爾集作汝亦茫茫。有情且賦詩，事跡可兩集作兩可忘。勿矜千載後，慘澹蟠穹蒼。

蕭寺偃松

顧況

淒淒百卉病，亭亭雙松迥。直上古寺深，橫拂秋殿冷。輕響

入龜目一作息

片陰棲鶴頂，山中多好樹。可憐無比並

觀隣老栽松

李端

雖過老人宅，不解老人心。何事殘陽裏，栽松欲待一作陰

中書相公任兵部侍郎日後閣植四松逾數年
斡忝此官因獻拙什
鄭斡

丞相當時植，幽襟對此開。人知舟楫器，天假棟梁材。錯落龍鱗出，纒一作誰袿鶴翅迴。重陰羅武庫，細嚮靜山臺。得地公堂裏，移根澗水隈。吳臣夢寐遠，泰嶽歲年催。轉覺飛纓謬，何因繼組來。幾尋珠履跡，願此角弓培。栢悅猶依社，星高久照台。後周應共操，無復問良媒。

奉和

劉禹錫

右相歷中臺，移松武庫栽。紫茸抽組綬，青實長玫瑰。便有干霄勢，看城構厦材。數分天柱半，影逐日輪迴。舊賞台階

去新知谷口來息陰常仰望集作幾徘徊翠粒晴懸
露蒼鱗雨起苔疑音助瑤瑟飄葉泛金壘月桂光搖集作
燭星榆葉對開終須似雞樹茂近昭回花過

同前

唐扶

幽抱應無語貞松遂自我寄懷丞相業因擢大夫材日射
蒼鱗動塵迎尋翠簾迴茸含細粉初葉泛新杯偶聖為舟
去逢時與鶴來寒聲連曉竹靜氣結陰苔赫弈鳴騶至熒
煌洞戶開良辰一臨眺樹幾徘徊恨發風期阻詩從綺
思裁還聞舊凋契一作九萬此中培

同前

姚合

四松相對植蒼翠映中臺擢幹陵空去移根斲石開陰陽
氣潛煦造化手親栽日月滋佳色煙霄長異材清音勝在
澗寒影偏造生苔靜遠霜露履閑看酒滿杯同榮朱戶際求

日白雲隈密葉聞風度高枝見鶴來賞心難疑可盡麗什妙
難栽此地無因到循墻幾百回

同前

雍陶

右相歷兵署四松皆手栽斲時驚鶴去移處帶雲來根倍
雙桐植花分八桂開生成造化力長作棟梁材豈羨蘭依
省猶嫌栢占臺出樓終百尺入夢已三台幽韻和宮漏餘
香度酒杯拂冠枝上雪染履影中苔高位相承地新詩寡
和才何由比羅蔓攀附在條枝

西齋小松二首

元稹

樹松短於我清風亦已多況乃枝上雪動搖微月波幽姿
得閑地詎感歲蹉跎但恐屢終構藉君當柰何

二

簇簇枝新黃纖纖攢素指柔苔漸依條短莎還半委清風

日夜高陵雲意集作竟何已千歲盤老龍條鱗自茲始

右小松詩類集并英華皆誤作一首詳詩意并疊用清風二字合是二首

庭松 白居易

堂下何所有十松當我階亂立無行次高下亦不齊高者三丈長下者十尺低有如野生物不知何人栽接以青瓦屋承之白沙臺朝昏有風月燦温集作燥無塵泥踈韻秋瑟集作瑟涼陰夏淒淒春深微雨夕滿葉珠蓑蓑集作濯濯歲暮大雪天壓枝玉皚皚四時各有趣萬木非其儕去年買此宅多為人所咤一家三集作二十口移轉就松來近松集作移來有何得但煩襟開即此是益友豈必須集作交賢才顧我猶俗士冠帶走塵埃未稱為松主時一愧懷

寄題蓋屋廳前雙松兩松自仙遊山移植縣廳前人

憶昨為吏日折署多苦辛歸家不自適無計慰心神手栽兩樹松聊以當平聲嘉賓乘春日一概生意漸欣欣清韻度秋在綠首隨日新始憐澗底色不憶城中春有時畫掩關雙影對一身盡日不寂寞意中如三人忽奉宣室詔徵為文苑臣閑來惆悵長似別交情集作交親一作情親早知烟翠前攀翫不逡巡悔從白雲裏移爾落囂塵

題遺愛寺前溪松 前人

偃亞長松樹侵臨小石磯靜將流水對高共遠峯齊翠蓋煙籠密花幢雪壓低與僧清影坐借鶴穩枝栖筆寫形難似琴偷韻易迷暑天風撼撼一作瑟晴夜露集作夜雨靜淒淒獨憩依為舍閑行遠作蹊棟梁君莫採留着伴幽棲

小松 章孝標

爪葉鱗條龍不盤梳風幕翠一庭寒莫言只似人長短須

作浮雲向上看

僧院小松

前人

拋杉背栢冷僧簾鎖月梳風出殿簷還似天台新雨後小
峯雲外碧尖尖

賦得聽松聲

劉得仁

夜鏤微風動高松韻自生聽時無物亂盡日覺神清強與
幽泉並翻嫌一作疑細雨并拂空一作雲增鶴唳過牖合琴聲況
復當秋杪偏宜在月明不深澗底蕭瑟有誰驚

松

釋無可

枝怪幹鱗皴煙梢出澗新屈盤高極目蒼翠遠驚人待鶴
移陰一作移過聽風落子一作子落頻青青寒木外自與九霄隣

贈賣松人

于武陵

入市雖求利憐君意獨真斲將寒澗樹賣與翠樓人瘦葉

幾經雪澹花應少春長安重桃李徒染六街塵

友人亭松

前人

俛仰不能去如逢舊友同曾因春雪散見在華山中何處
有月明訪君聽遠風相將歸未得各占石巖東

廣德官舍二松

喻鳧

揚宮宮林薄領二木日堅牢直甚彰吾節清終庇爾曹幽音
月裏細冷格雪中高誰見干霄後枝飄白鶴毛

松

韓喜類詩
作既

倚空高檻冷無塵往事閑微夢欲分尋色本宜霜後見寒
聲偏向類詩月中類詩啼猿想類詩蒼山雨歸鶴遙知類詩
紫府雲莫向東園競桃李春光還是不容君

和李用夫栽小松

項斯

移來未換葉已勝在空山靜對中常心標植遙空境助閑影

侵錢雪際聲透小窻間即聳陵空幹脩條豈易攀

橫水館雙松

趙嘏

故園溪上雪中別野一作幽館枕前雲畔逢白髮漸多何自苦
清陰長在好相容一作從迎風幾拂朝天蓋帶月猶含度嶺
鍾更憶葛洪丹井側數株臨水欲成龍

松

鄭谷

下視垂楊拂路塵峯石上覆苔文濃霜一作霜濃滿逕無紅葉
晚日一作日晚高枝有白雲春砌花飄僧旋掃寒溪子路落鶴
先聞那堪寂寞悲風起千樹深藏李白墳

題淨衆寺古松

崔塗

百尺森疎倚梵臺昔人誰見此初栽故園未有偏堪戀浮
世如閑即合來天暝豈分蒼翠色歲寒應識棟梁材清陰
可惜不駐得集作可老歸去暮城空首回

唐興寺小松

杜荀鶴

雖小天然一作生別難將衆木同侵僧半窻月向客類詩作與客滿
襟風枝拂行苔鶴聲分叫砌蟲如今未堪看須是類詩作待雪
霜中

小松

前人

自小刺頭深草裏而今漸覺出蓬蒿時人不識陵雲木直
待陵雲始道高

鄭穀補闕山松

張蠟

心將積雪欺根與白雲離遠寄僧猶憶高看鶴未知影交
新長葉皺匪舊生枝多少同時重深山不得移

松

許棠

何年斲到城滿國響高名半寺陰常匪隣坊赤清代多無
巧勢風定有餘聲自得天然狀非同澗底生

興善寺古松

張喬

種種近王成前朝古
名瘦根侵地遠香吹入雲清鶴動
池臺影僧禪雨雪聲看來人旋老因此嘆浮生

移小松

前人

松子落何年纖枝長水邊
斫開深礪雪移出遠林煙帶月
棲幽鳥兼花灌冷泉微風動清韻閑聽罷琴眠

松

陸肱

雪霜知勁質今古占類詩
嘉名斷砌盤根遠踈陰偃蓋清
鶴棲何代色僧老四時聲鬱鬱心彌久烟高萬井生

述松

王貞白

遠谷呈材幹何由入棟梁
歲寒虛勝竹功績不如桑秋露
落枯子春深一作雲裏嫩黃雖蒙匠者顧樵採日難防

僧院松

曹松

此木韻彌全秋宵學瑟絃
空知百餘尺未定幾年古甲
磨雲折孤根把一作捉地堅何當拖一幹作蓋道場前

栢

庭栢

魏收

見初學記

古松圖偃蓋新栢寫鑪峯
陵寒翠不奪迎暄綠更濃
茹葉輕沉艷咀實化衰容
將使中臺麝違山能見從

晉朝栢樹

集作法雲雙榆

温庭筠

晉朝名輩此離羣想對濃陰
去住分題處尚尋王內史畫
時應是顧將軍長廊夜靜聲疑
兩古殿秋深影勝雲一下
南臺到人世晚泉清籟更誰集作聞

桂

桂

李嶠

未植銀宮裏寧移玉殿幽
枝生無限月花滿自然秋
俠客

爲馬仙人葉作舟願君期道術攀折可淹留

詠桂二首

李白

園花笑芳年池草艷春色猶不如槿花嬾娟玉堦側芳集作芳
榮何夭促零落在瞬息豈若瓊樹枝終歲長翕艷

二

世人種桃李多在金張門攀折爭捷徑及此春風暄一朝
天霜下榮耀難久存安知南山桂綠葉垂芳根青陰
亦可託何惜樹君園

此間龍門敬善寺有紅桂樹獨秀伊川嘗於江南諸山訪之莫致陳侍御知予所好因訪剡溪
樵客偶得數株移植郊園衆芳沮乃知敬善所
有兼蜀道茵草徒得嘉名因賦是詩兼贈陳侍

御金陵作陵

李德裕

背聞紅樹獨秀龍門側越叟遺數株周人未嘗識平生
愛此樹攀翫無由得君子知我心因之爲羽翼豈煩嘉客
譽且就清陰息來自天姥峯長疑翠嵐色芬芳世所絕偃
蹇枝漸直瓊葉潤不凋珠英粲如織猶疑翡翠宿想待
鵝鸞集作鵝食寧止漸留終當更封殖

山中桂

于武陵

日暖上山路鳥啼知己春忽逢幽隱樹如見獨醒人石冷
開常晚風多落亦頻樵夫應不識歲久伐爲薪

雙桂詠

陳陶

青暝結根易傾倒沃洲山中雙樹好瑠璃宮殿無斧聲石
上蕭蕭伴僧老

檜

揚州法雲待雙檜

張祐

謝家雙植本南圖集作榮樹老人亡地變更朱頂鶴知深蓋
偃白眉僧見小枝生高臨月戶集作秋雲影靜入風簷集作
夜雨聲縱使集作百年為上壽綠陰終借暫時行集作終是集作

杉

郡齋移杉

常應物

擢幹方數尺幽姿已蒼然結根西山寺來植郡齋新舍野
露氣稍靜高牕眠雖為賞心遇豈有品中緣

桐

同詠庭中桐

吳均

龍門有奇價自言梧桐枝垂暉實掩細葉能披離不降
周王子空將時歲移初學記作空嚴風忽交勁遂使無人知

零落桐

虞世基

零落三秋幹摧殘百尺柯空餘半心在生意漸無多

詠桐

陸季覽

搖落依空井生死尚餘心不辭先入爨惟恨少知音

桐

李嶠

孤秀嶧陽岑亭亭單題詩出眾林春花雜鳳影秋月弄珪
陰忽被夜風激遂逢霜雪侵單題詩作高映龍不因將入

爨誰為作鳴琴

段宥廳孤桐

王昌齡

鳳凰所宿處月映桐寒槁葉零落盡空柯翠仍殘虚心誰
能見直影非無端響發調恒苦清商勞一彈

梧桐

戴叔倫

亭亭南軒外貞幹脩且直廣葉結清陰繁花連素色天資
韶雅性不愧知音一作識

孤桐

雍陶

踈桐餘一幹風雨日蕭條歲晚琴材老天寒桂葉凋已悲
根半死復恐尾金焦幸在龍門下知音肯寂寥

蜀桐

李商隱

玉壘高梧拂玉繩上含非霧下含冰枉教紫風無棲處斷
作秋琴彈環雜詠廣陵

槐

槐

李嶠

暮律移寒火春宮長舊栽葉生馳道側花落鳳庭隈烈士
懷忠觸鴻儒訪業來何當赤墀下踈幹擬三台

庭槐

白居易

南方饒竹樹唯有青槐稀十種七八死縱活亦支離何此
郡庭下一株獨華滋蒙蒙碧煙葉嫋嫋黃花枝我家渭水
上此樹蔭前墀忽向天涯見憶在故園時人生有情感遇物

牽所思樹木猶復爾況見舊親知

文苑英華卷第三百二十四

登仕郎胡柯

鄉貢進士彭

叔夏

校正

文苑英華卷第三百二十五

詩一百七十五

花木五

竹五十二首

笋二首

竹

梁元帝

嶰谷管新抽淇園節復脩作龍還葛水為馬向并州柯亭
臨絕澗桃枝夾細流冠學芙蓉勢類聚花堪威鳳游邛王
若有獻張騫應拜侯

竹

劉孝先

竹生荒野外梢雲起類聚百尋無人重類聚高節徒自抱
貞心耻染湘妃淚羞入上宮琴誰能制長笛當為作類聚
龍吟

竹

蕭放

懷風枝轉弱防露影逾濃既來丹穴鳳還作葛陂龍

侍宴賦得夾池竹詩

陰鏗

夾池一叢竹青翠不驚寒葉醞宜城酒皮裁類聚作治薛縣冠
湘川染別淚衡嶺拂仙壇欲見歲艱色類聚作質當來兔苑
看類聚作當
為雪中看

賦得山中翠竹

張正見

脩竹映巖隈類聚作垂乘風異夾池復澗藏高節重林隱
勁枝雲生龍未止花落鳳將移莫言棲嶮谷伶倫不復吹
賦得夾池竹
賀脩

綠竹影參差嫵娟帶曲池逢秋葉不落經寒色詎移來風
韻晚逕集鳳動春枝所欣高節類聚作蹈客未待伶倫吹

賦得臨池竹

虞世南

葱翠梢雲質垂彩映清池波泛含風影流搖防露枝龍鱗
漾嶮峇鳳翅拂漣漪欲識陵冬性唯有歲寒知

竹

李嶠

高幹楚江濱蕭條含翠氛集作嫵娟白花搖鳳影青節動
龍紋葉拂集作掃東南日枝梢西北雲誰知湘水上流淚獨
思君

奉和徐侍郎中書叢篠

蔣渙一作盧象

中禁夕沉沉幽篁別作林色連雞樹近影落鳳池深為重
陵霜節能虛爽一作應物心年年承雨露長對紫庭陰
此詩二百四十二卷重出今已削去注異同為一作

沈十四拾遺新竹生讀經處同諸公作

王維

閑居日清靜脩竹復集作自檀欒嫩節留餘籜新叢出舊攔
細枝風響亂疎影月光寒樂府裁龍笛漁家伐釣竿何如
道門裏青翠拂仙壇

慈姥竹

李白

野竹鑽攢集作石生含煙映江島翠色落波深虛聲帶寒早
龍吟曾未聽鳳曲吹應好不學蒲柳凋貞心常自保

同郭叅謀題崔令公廳前竹 劉長卿

不學媚清瀾能依上將壇蒙寵低冕過青翠捲廉看得地
移根遠經霜抱節難閑花成鳳實嫩笋長漁竿肅肅軍容
靜蕭蕭郡宇寬細音和角暮踈影上門寒阮巷何人在梁
園幾處殘空餘軒屏側歲晚伴任安

晚春歸山居題窓前竹 錢起

溪上殘春黃鳥稀辛夷花盡杏花飛始憐幽竹山窓下不
改青陰待我歸

寒竹 釋皎然

裊裊孤生竹獨立山中雪蒼翠搖勁鳳疑作嬋娟帶寒月
狂花不相似還共陵冬發

竹 一字至七 張南史

竹竹被山連谷出東南殊草木葉細枝勁霜停露宿成林
處處雲抽笋年年玉天風乍起爭韻池水相涵更綠却尋
庾信小園中閑對數竿心自足

竹 戴叔倫

卷籜正離披新枝復蒙密脩月下聞裊裊林際出豈獨對
芳菲終年色如一

竹 朱放

青林一作何森然沉沉獨曙前出牆同浙瀝開戶滿嬋娟
籜卷初呈粉苔侵亂上錢踈中思水過深處若山連疊夜
常棲露疑作清朝乍有蟬砌陰迎緩策簷翠對歌眠迸笋
雙分箭繁梢一向偏月過驚散雪風動極聞泉幽谷添詩
譜高人欲製篇蕭蕭意何限不獨住湘川

池上竹

楊巨源

一叢嬋娟色四面清冷波氣潤曉煙重光閑秋露多翠筠
入踈柳清影拂圓荷歲晏琅玕實心期有鳳過

和令狐舍人訓峯上人題山欄孤竹 前人

滿院冰姿粉箨殘一莖青翠近簾端離叢自欲親香火抱
節何妨共歲寒能讓繁聲任真籟解將孤影對芳蘭范雲
許訪西林寺枝葉須和彩鳳看

庭竹

劉禹錫

露滌鉛粉節風搖青玉枝依依似君子無地不相宜

郡齊左偏栽竹百餘竿炎涼已周青翠不改而
為墻垣所蔽有乖愛賞假一作暇日命去齋居之
東墻由是俯臨軒階低映帷戶日夕相對頗有
脩然之趣

令狐楚

齋居栽竹北窻邊素壁初開映一作見碧鮮青藹近當行藥

處綠陰深到卧帷前風驚曉葉如聞雨月過春枝似帶烟

老子憶山心暫緩退公閑坐對嬋娟

和宣武令狐相公郡齋對新竹 劉禹錫

新竹脩脩韻曉風隔窻依砌尚朦朧數間素壁初開後一
片清光入座中歌枕閑看知自適含毫朗詠與誰同此君
若欲長相見政事堂東有舊叢

和汴州令狐相公新於郡內栽竹百竿折壁開軒

旦夕對翫偶題七言五韻 白居易

梁園脩竹舊傳名園集作久發年深已集作竹不生千畝荒涼

栽集作尋未得百竿青翠種新成墻開乍見重添興窻靜時

聞別有情煙葉蒙籠侵夜色風枝蕭索集作殿欲秋聲更登

樓望尤堪重千萬人家無一莖汴州人家並無竹

題盧祕書夏日新栽竹

前人

湘竹初封植盧生此考槃久持霜節苦新託露根難等
 度雖當戶集作須踈稠要滿欄買憐分薄俸栽稱作閑
 官葉剪藍羅碎莖抽玉琯端機聲清浙瀝一簇綠檀藥未
 夜青風入先秋白露溥集作團拂樓集作有搖翡翠熨手弄琅
 玕韻遠集作透窻風起陰鋪砌月殘炎天聞覺冷窄地見疑
 寬梢動勝搖扇枝低好挂冠碧籠煙幕幕珠灑雨珊珊曉
 籜晴雲展陰牙蟄虺蟠愛從抽馬策惜未截漁竿松韻徒
 頻集作煩聽挑天不足觀梁慙當家杏壺陋本司蘭古詩云
室杏為梁又秘撐撥詩人興勾牽酒客觀靜連蘆簟滑涼
書府即蘭臺拂葛衣單豈止銷時暑應能保歲寒莫同凡草木一種夏
 中看

和東川李相公慈竹十二韻

元稹

慈竹不外長密比青瑤華茅攢有森束玉立無嗟訖纖粉
 妍膩質細瓊交翠柯亭亭霄漢近靄靄雨露多冰碧寒夜
 聳蕭韶風晝羅煙涵朧朧影月泛鱗鱗波鸞鳳一已顧鷺
 雀求不過幽姿媚庭實顯氣陵集作爽天涯峻節高轉露貞
 筠寒更佳託身仙壇上靈物神所呵集作何時與天籟合音閤
 日聞陽春歌應憐孤生者摧折成沉集作病疴又作疴

郵竹

前人

庭有蕭蕭竹門有田田騎囂靜本殊途因依偶同寄亭亭
 乍干雲裏裏亦垂地人無集作有異我心我無異人意

南庭竹

李紳

東南舊羨陵霜操五月疑陰入座寒煙惹翠梢含玉露粉
 開春籜聳琅玕莫令戲馬童兒見試引為龍道士看須信
 結根香實在鳳皇終擬下雲端

題鄭常侍廳前竹

賈島

綠竹臨詩酒，嬋娟思不窮。
亂枝低積雪，繁葉亞寒風。
蕭颯疑泉過，縈迴有逕通。
侵庭根出土，隔壁笋成叢。
踈影紗窗外，清音寶瑟中。
卷簾終日看，欹枕幾秋同。
萬頃歌王子，千竿伴阮公。
露光憐片片，兩潤愛濛濛。
嶮峇蠻湖北，湘川灞水東。
何如軒檻側，蒼翠裊長空。

隣人自金仙觀移竹

李遠

新居移竹已堪看，斲破莓苔得幾竿。
圓節不教傷玉粉，低枝猶擬拂霜壇。
墻頭影動如煙綠，枕上風來送夜寒。
第一莫教漁父問，且從蕭颯滿朱欄。

昊天觀新栽竹

劉得仁

清風枝葉上山鳥，已栖來根別古溝。
岸影生秋觀，苔遍思諸草木唯此出。
塵埃恨為移君晚，空庭更擬栽。

酬人雨後翫竹

薛濤

南天春雨時，那鑿雪霜姿。
衆類亦云茂，虛心寧自持。
多留晉賢醉，早伴舜妃悲。
歲後君能賞，蒼蒼勁節奇。

題諸塘館竹

集作秋日白沙館對竹

許渾

蕭蕭陵雪霜，濃翠異三湘。
踈影月移壁，寒聲風滿堂。
卷簾秋更早，高枕夜偏長。
忽憶南遊路，萬竿今正涼。

題新竹

方干

青苔斲破植貞堅，細碧竿排鬱眼鮮。
小鳳凰聲吹嫩葉，短蛟龍尾裊輕煙。
節環膩色端勻，粉根拔秋光暗。
長鞭恠得入門肌，骨冷綴風粘月滿庭前。

越州使院竹

前人

莫見陵風飄粉箨，須知礙石作盤根。
細看節_{集作枝}止蟬吟處，猶是笋時蟲蝕痕。
月送綠陰斜上砌，露含_{集作疑}寒色濕。

遮門列仙終日逍遙地鳥雀潛來不敢喧

碧鮮亭春題竹

薛能

竹少行更重碧鮮疆一作猶更名有攔常凭立無徑獨穿行
夕月陰何亂春風葉盡輕已聞圖畫客兼寫薛先生

竹逕

前人

盤逕入依依旋驚幽鳥飛尋多苔色古踏碎籜聲微鞭節
橫妨屐枝梢一作苗動拂衣前溪聞到處應接釣魚磯

新竹

前人

柳營茆土倦麤材因向山家乞翠栽清露便從終夜滴好
風疑自一作是故園來攔邊匠去朱猶濕培後蟲浮穴暗開
他日會應威鳳至莫辭公府受塵埃

竹

鄭谷

宜煙宜雪集作雨又宜風拂水藏村復間松移得蕭騷從遠

寺洗來踈淨見前峯幽堦蘚坼春芽迸繞徑莎微夏蔭濃
無賴杏花多意緒數枝穿翠好相容

題僧院紫竹

陳陶

喜遊蛟井寺復見炎州竹杳靄萬丈間嘯風清獨速江南
正霜霰吐透弄顛顛似瑞驚堅貞如魔試金粟笋非孝子
泣文異湘靈哭金碧誰與隣蕭森自成族新聞赤帝種子
落毛人谷遠祖賜鷓鴣遺芳遍南陸對煙蘇麻醜夾澗簣
簞伏羨譽動丹青瓌姿豔秦蜀因緣鹿苑識想像地丘斷
幾葉別黃茅何年依白足龍樹蟄一花坳瑤掃雲屋色靜
曼仙花名高給孤獨青葱太子樹灑落觀音目法雨每沾
濡玉毫時照燭離居鸞節變住冷金顏縮豈念葛陂榮幸
無祖父一作父辱光搖水精串影送蓮花軸江霧日相尋野
鴉時寄宿幽香入茶竈靜翠宜碁局肯羨垣上蒿自多籬

下菊從來道生一況伴龜藏六樓託詎星迴檀藥已雲轟
霞杯傳縹葉羽管吹紫玉久絕釣竿歌聊栽竹枝曲媿生
黃金地千秋為師綠

竹五首

前人

不馱東溪碧玉君天壇雙鳳有時聞一峯曉似朝仙處青
節森寄絳雲

二

萬枝朝露學瀟湘杳靄孤亭白石涼誰道乖龍不行雨春
雷入地馬鞭狂

三

嘯入新篁一里行萬竿如甕鏢龍泓驚巢翡翠無尋處
閑倚雲根刻姓名

四

青嵐箒疑亞思吾祖綠潤偏多憶蔡邕長聽南園風雨夜
恐生鱗甲盡為龍

五

迸玉閑抽上釣磯翠苗番次脫霞衣山童泥乞青驄馬騎
過青一作春泉製疑手飛

竹

王孫類詩作王家

韓漑

綠色連雲萬葉開王孫不馱滿庭栽陵霜盡節無人見終
日虚心待鳳來誰許風流添興詠自憐瀟洒出塵埃朱門
處處多閑地正好移陰覆類詩作結翠苔

竹

羅鄴

翠葉纔分細細枝清陰猶未上堦墀蕙蘭雖許相依日桃
李還笑後時抱節不為霜類詩作雪改成林終與鳳凰期
渭濱若更徭賢相好作渙竿繫釣絲

竹

崔涯

領得溪風不放迴，傍窗綠砌遍庭栽。
須招野客為隣住，看引山禽入郭來。
幽院獨驚秋氣早，小門深向綠陰開。
誰憐翠色兼寒影，靜落茶甌與酒杯。

新栽竹

杜荀鶴

斲破莓苔地一作蒼一作色，因栽十數莖。
窻風從此冷，詩思當時清。
酒入盃中影，碁添局上聲。
不同桃與李，蕭灑伴書生。

新竹

張蠟

新鞭暗入庭，初長兩三莖。
莖一作一不是他山少，無如此地生。
郵梢叢上出，柔葉籜間成。
何用高唐峽，風枝掃月明。

竹

羅隱

籬外清陰接藥欄，曉風交戛碧琅玕。
子猷歿後知音少，粉節霜筠漫歲寒。

江南竹

許晝

江南蕭灑地，本自與君宜。
固節還同我，虚心欲待誰。
澗泉傍借響，山木共含滋。
粉膩蟲難篆，叢疎鳥易窺。
盡應逢野渡，中忽見村祠。
葉掃秋空靜，根橫古壑危。
影迷寒靄裏，聲出夜風時。
客棹深深過，人家遠遠移。
遊邊曾結念，到此數題時。
莫恨成龍晚，成龍會有期。

竹

宜雨聲

宜類詩作疑

多情

類詩作舒情

秦韜玉

削玉森森幽思深，一作清阮家高興尚分明。
卷簾陰薄漏山色，歌枕韻寒宜雨聲。
斜對酒缸偏覺好，靜籠碁局最多情。
却驚九陌輪蹄外，獨有溪煙數十莖。

笋

籬笋

李頎

東園長新笋，映石復穿籬。
迸出依青嶂，攢生伴綠池。
密一作絕

因林向皆行遂地高卑但恐春將老清獨爾為

笋

白居易

此州有集作乃

竹鄉春笋滿山谷山翁

集作夫

折盈把

集作抱

將

來入集作來

市鬻物以多為賤雙錢易一束將歸安

集作置之炊

甌中與飯同時熟斑殼折集作折紫故錦素肌擘新玉只此

一蔬飧

集作遂

經旬

集作時

不思肉又為京洛客此味常

無集作不

足速

集作且

食勿踟躕南風吹作竹

文苑英華卷第三百二十五

登仕郎胡柯

鄉貢進士彭叔夏

校正

文苑英華卷第三百二十六

詩一百七十六

花木六果實附

櫻桃十首

甘藷十首

桃李六首

梨三首

石榴二首

棗栗二首

柰一首

梅一首

荔枝三首

雜果實五首

樹木二十一首

藤四首

櫻桃

奉答南平王康賚朱櫻

梁簡文帝

倒流映碧叢照類聚露擎朱實花茂蝶爭飛類聚枝濃鳥

相失已麗金釵瓜仍羨玉盤橘寧異梅似丸不羨萍如日

永植平臺垂長與雲桂密徒奉推甘終似初學記憚操筆

賦得櫻桃春字韻

唐太宗

華林滿芳景洛陽偏宜初學記作編陽春朱顏含遠日翠色影長
津喬柯轉嬌鳥低枝映美人昔作園中實今來席上珍

勅賜百官櫻桃時文為部郎

王維

芙蓉闕下會千官紫禁朱櫻出上蘭纔是寢園春薦後非
關御苑鳥銜殘歸鞍競帶青絲籠中使頻傾赤玉盤飽食
不須憂集作愁內熱太官還有柘蔗集作蔗漿寒

和前

崔興宗附見王維集

未央朝謁正逶迤天上櫻桃錫此時朱實初傳九華殿繁
花舊雜萬年枝全勝晏子江南橘莫比潘家太谷梨聞道
令人好顏色神農本草自應知

和詠解署有櫻桃

孫逖

上林天禁裏芳樹有紅櫻江國今來見君門春意生香從

花綬轉色繞珮珠明海鳥銜初實吳姬掃落英切將稀取
貴羞與衆同榮為此堪攀折芳蹊處處成

酬裴傑秀才新櫻

權德輿

新果真瓊液來應宴紫蘭圓疑竊龍頷色已奪雞冠遠火
微微辨殘星隱隱看茂先知味易一作好曼倩恨偷難忍用
烹醅酪從將翫玉盤流年如可駐何必九華丹

朝日勅賜百官櫻桃

張籍

仙果人間都未有今朝忽見下天門捧盤小吏初宣勅當
殺羣臣共拜恩日色遙分廊下座露香纔出禁中園每年
重此長集作儺先熟願得千春奉至尊

和張員外集作水部勅賜百官櫻桃 韓愈

漢家舊勳明光殺炎帝還書本草經豈似滿朝承雨露共
看傳賜出青冥香隨翠籠擎初到集作重色照銀盤馮未停

食罷自知無所報空然慙汗仰皇扃

與沈揚二舍人閣老同食勅賜櫻桃翫物感恩

成十四韻

白居易

清曉趨丹禁紅櫻降紫宸驅禽養得熟和葉摘來新圓轉
盤傾玉鮮明籠透銀內園題兩字西掖賜三臣熒惑晶華
赤醍醐氣味真如珠未穿孔似火不燒人杏俗難為對桃
頑詎可倫肉嫌盧橘厚皮笑荔枝斲瓊液酸甜足金丸大
小勻偷須防曼情惜莫擲安仁手擘纔離核匙抄半是津
甘為舌上露暖作腹中春已懼長尸祿仍驚數食珍最慙
思未報飽餼不才身

自有苞至京師已後朱櫻之期

温庭筠

露圓霞赤數千枝銀籠誰家寄所思秦苑飛禽諳熟早杜
陵遊客恨來遲空看翠幄成陰日不見紅珠滿樹時盡日

徘徊濃影

一作
塵

下祗應重作釣魚期

甘橘

詠甘子

徐陵

朱實挺江南苞品擅珍淑上林雜嘉樹江潭閭脩竹萬室
擬封家千株挺疑荆國綠葉萋以布素榮芬且郁得陳終
宴歡良垂雲雨育

園橘

范雲

芳條結寒翠圓實變霜朱徒根楚洲上來覆廣庭隅

同前

沈約

綠葉迎露滋朱苞待霜潤但令入玉拌金衣非所恠

橘樹

李元操

嘉樹出巫陰分根徒上林白花如霰雪朱實似懸金布影
臨丹地飛香度玉峯自有陵冬質能守歲寒心

橘

李嶠

萬里盤根植千株布葉繁既榮潘子賦方重陸生言玉藹
含霜動金衣逐吹翻願辭湘水曲長茂上林園

病橘

杜甫

伊集作橘少生意雖多亦奚為惜哉結實集作酸澁如棠

梨剖之盡蠹蝕集作採掇爽所宜紛然不適口豈止存其

皮蕭蕭半死葉忽忽集作別故枝玄冬霜雪積况乃迴

風吹葺聞蓬萊殺羅列瀟湘姿此物歲不稔玉食失光輝

寇盜尚憑陵當君減膳時汝病是天意吾意罪有司憶昔

南海使崩集作騰獻荔枝百馬死山谷到今耆舊悲

棟貢橘書情

白居易

洞庭貢橘棟宜精太守勤王請自行珠顆形容隨日長瓊
漿氣味得霜成登山敢惜駑駘力望闕難申螻蟻情踈賤

無由親跪獻願憑朱實表丹誠

奉和棟貢橘

周元範

離離朱實綠叢中似火燒山處處紅影下寒林沉綠水光

搖高樹照晴空銀章自竭人臣力一作玉液誰知造化功

看取明朝船發後餘香猶尚逐仁風

同前

張彤

陵霜遠涉太湖深雙卷朱旗望橘林樹樹籠烟疑帶火山

山照日似懸金行看採掇方盈手暗覺馨香已滿襟棟選

封題皆盡力無人不感近臣心

橘園

李紳

江城霧劍輕霜早園橘千株欲變金朱實摘時天路近素

英飄處海雲深懼同枳棘愁遷徙每抱馨香委照臨憐爾

結根宜一作自保不隨寒暑換貞心

桃李

桃

李嶠

獨有成蹊處紅桃

集作華

發井傍含風如

集作山

笑臉裏

露似集作朝

啼粧隱士顏

改仙人路漸長

還欣上林苑

千歲奉君王

玄都觀桃

蔣防

舊傳天上千年熟今日人間五日香紅軟滿枝須作意莫

交方朔旋偷將

麥李

沈約

青玉冠西海碧石彌外區化為實其下成路衢在申園先

良足貴因小邈難逾色潤房陵縹味奪寒水朱摘持欲以

獻尚食且知罽

答元金紫餉朱李

王筠

穠

初學記

華春發彩結實不成蹊潘生詠金谷魏后沈寒

溪逢重妖麗

移

翫入崇閨慙無瓊玖報徒用萃幽棲

賦得李

唐太宗

玉衡流桂圃成蹊正可尋鸞啼密葉外蝶戲脆花心麗景

光朝彩輕煙散夕陰暫顧暉章側還眺靈山林

同前

李嶠

潘岳閑居暇

一作日

王戎戲陌辰蝶遊芳徑馥鶯轉令

一作弱

枝新葉暗青房晚花明玉井春方知有靈幹持一作特用表

真人

一作皆單題詩

梨

應詔詠梨

沈約

太谷來既重岷山道又難摧折非所恠但令入玉盤

梨

後梁宣帝

太谷常流稱南荒本足珍綠葉已承露紫實復含津

同前

李嶠

檀美玄光側傳芳瀚海中鳳文踈象郡花影麗新豐春暮

條應紫秋來葉早紅集作色對瑤池若今逢漢主還冀識

張公

石榴

梁元帝

塗林未應發春暮轉相催然燈疑夜火連珠勝早梅西域

移根至南方釀酒來葉翠如新剪花紅似故栽還憶河陽

縣映水珊瑚開

以下五篇並見初學記

同前

魏彥深

分根金谷裏移植廣庭中新枝含淺綠晚萼散輕紅影入

環階水香隨度隙風路遠無由寄徒然初學記春閨空

棗栗

梁簡文帝

浮華齊水麗垂彩鄭都奇白英紛靡靡紫實標離離風搖

羊角樹日映雞心枝穀城踰石蜜蓬岳表仙儀已聞安邑

羨永茂玉門垂

詠栗雜言

陸玠

貨見珍於有漢木取貴於隆周葉肇萌於朱夏實方落於

素秋委玉盤雜椒糝將象腐初學記糝珍羞

柰

柰

褚澧

成都貴素質酒泉稱白麗紅紫奪夏藻芬芳掩春蕙映日

照新芳叢林抽晚蒂誰為重初學記三株終焉競八桂不讓

園丘中繁潔華庭際

梅

梅

李嶠

大庾飲寒光南枝獨早芳雪含朝暝集作紫花色風引去來集作

上林單題香舞袖集作粧面迴青徑歌塵起畫梁若能遙止渴集作

何假泛瓊漿

荔枝

荔枝

鄭谷

平昔誰相愛驪山遇貴妃任集作枉教生處遠愁見摘來稀

曉集作晚奪紅霞色晴欺瘴日威南荒何所戀為爾即忘歸

荔枝樹

前人

二京曾見畫圖中數本芳菲色不同孤棹今來巴徼外一

枝煙雨思無窮夜郎城近含春瘴杜宇巢低起暝風腸斷

渝瀘霜霰薄不教葉似灞陵紅

南海陪鄭司空遊荔枝園

曹松

荔枝時節出旌旂南國名園盡興遊亂結羅紋照襟袖別

含瓊露爽咽喉葉中新火欺寒食樹上丹砂勝錦州他日

為霖不將去也須圖畫取風流

雜果實

野園獻果呈王負外

楊巨源

西園果初熟上客心逾愜凝粉乍辭枝飄紅仍帶葉幽姿

寫瓊實啟彩呈粧頰持此贈佳期清芬羅袖裏

詠红柿子

劉禹錫

曉連星影出晚帶日光懸本因遺採摘集作掇翻自保天年

菱

李嶠

鉅野韶光暮東平春溜通影搖江浦月香引棹歌風日色

翻池上潭花發鏡中五湖多賞樂千里望難窮以下二篇並見單題詩

瓜

前人

欲識東陵味青門五色瓜龍蹄遠珠履女臂動金花六子方呈瑞三仙實可嘉終期奉締紘謁帝佇非賒

秋日吳中觀貢藕

趙嘏

野艇幾西東清冷映碧空褰衣來水上捧玉出泥中葉亂田田綠蓮餘片片紅激波繞入選就日已風生御潔玲瓏膳人懷枝擢功梯山謾多品不與世流同

樹木

詠樹

庾信

交柯將一作百頃擢本或千尋楓子留為式桐孫待作琴殘核移桃種空花植棗林幽居對蒙密蹊徑轉深沉

庭前枯樹

孫萬壽

當時金谷裏昔日平陵東布葉俱承露開花共待風搖落

一如此容華遂不同庭前生意盡井上蠹心空匠者無勞顧擁腫難為功

長信宮樹

喬知之

婀娜當軒樹華胥一作倚闌殿葉映九春華香搖五明扇餘花鳥哢盡新葉蟲蠹一作遍零落一作自知芬芬君不見

河邊枯樹

劉臻

奇樹臨芳渚半死若龍門疾風摧勁葉沙岸毀盤根將軍猶未坐匠石不曾論無復陵雲共空餘激浪痕可嗟摧折盡詎得上河源

登思禪寺上方經脩竹茂林

劉長卿

上方幽且暮臺殿隱勝隴集作遠磬秋山裏清猿古木中衆溪連竹路諸領共松風儻許棲林下甘成白首翁

同李朗 淨律師院施子樹 包何

南國佳人去不迴
洛陽才子更須媒
綺琴白雪無情棄
羅幌清風到曉開
冉冉脩篁依戶牖
迢迢列宿映樓臺
縱令奔月成仙去
且作行雲入夢來

古樹

張籍

古樹枝柯少枯來
復幾春露根堪繫
馬空腹定藏人
蠹節莓苔老燒痕
霹靂新若當江浦
上行客祭為神

石楠樹

白居易

可憐顏色好陰涼
葉剪紅牋花撲霜
傘蓋低垂金翡翠
薰籠亂搭繡衣裳
春芽細炷千燈焰
夏葉濃焚百和香
見說上林無此樹
只教桃柳占年芳

移家別樹

戎昱

手種庭前樹人移樹不移
看花愁作別不及未栽時

種樹

于鵠

一樹新栽益四隣
野夫如到舊山春
樹成多是人先老
垂白看他攀折人

漢陰亭樹

趙嘏

碧樹如煙覆晚波
清秋欲盡客重過
家園亦有如煙樹
鴻鴈不來風雨多

露傍樹

馬戴

古樹何人種清陰
減昔時莓苔根半露
風雨一作雪節偏危
蟲蠹心將穴蟬催
葉向衰樵童不須剪
聊起邵公思

山中古木

盧綸

高林已蕭索夜雨復
秋風墜葉鳴荒竹
斜根擁斷集作亂蓬
半侵山色集作影裏
長在水聲中此地何
人到雲間去未通

石橋琪樹

蔡隱石

山上天將近人間路漸遙誰當雲裏見知欲渡仙橋

佳人故居琪樹集作桂州經佳人故居

李羣玉

種樹人何在攀枝空嘆嗟人無重見日樹有每年花舊院

雀集作一蕉聲暮半庭春色集作影斜東風不知恨滿地落餘霞

重題端正樹温庭筠

路傍佳樹碧雲愁曾侍金輿幸驛樓草木榮枯似人事綠陰寂寞漢陵秋

據温庭筠集重題端正樹題望苑驛各是一詩今英

華題望苑驛已入二百九十八卷而此篇端正樹却

誤以望苑驛詩充之今用集本釐正

石楠樹胡汾

本自清溪石上生移栽此處一作地稱閑情青雲士盡識珍木白屋人多喚俗名重布綠陰滋蘚色深藏好鳥引鷓聲

余今一日千迴看每度看來眼益明

臨江樹魚玄機

草色連荒岸煙波入遠樓葉鋪江水面花落釣人頭根老藏龍窟枝低繫客舟瀟瀟風雨夜驚夢復添愁

焦桐樹陳標

江山烹魚採野樵鸞枝摧折半曾燒未經良匠材雖散待得知音尾已焦若使琢磨徹白玉便求風律軫青瑤還能萬里傳山水三峡泉聲豈寂寥

興善寺具多樹張泰

還應毫末長始見拂丹霄得子從西國成陰見昔朝勢隨雙刹直寒出四牆遙帶月啼春鳥連空噪暝蛸遠根穿古井高頂起涼颼影動懸燈夜聲繁過雨朝靜遲松桂老堅任雪霜凋永共終南在應隨劫火燒

雙槿樹

張文姬

綠彩競扶踈紅姿相照灼不覺桃李亂

一作更亂

向春

風落

藤

詠藤

李嶠

見單題詩

吐葉依松磴舒苗長石臺神農嘗藥罷質子寄書來色映
蒲萄架花分竹葉杯金隄不見識玉潤幾重開

石上藤

岑參

見集本

石上生孤藤弱蔓依長不逢高枝引未得陵空上何處可
堪托

一作堪托身

為君長萬丈

潭上紫藤

李德裕

見集本

故鄉春欲盡一歲芳難再巖樹已青葱吾廬日堪愛幽蹊
人未去芳草行應礙遙憶紫藤垂繁英照潭黛

和友人許棠題宣平里古藤

張蟪

見集本

欲結千年茂生來便近松迸根通井潤交葉覆庭穠歷代
頻更主盤空漸變龍晝風圓影亂宵雨細聲重蓋密勝丹
桂層危類遠峯嫩條懸野鼠枯節叫秋蛩翠老霜難蝕皴
多蘚乍封幾家遙共翫何寺不堪容客對忘離榻僧看誤
過鍾頃因陪雅作終夕遶枝筇

文苑英華卷第三百二十六

登仕郎胡柯

鄉貢進士彭

叔夏

校正

病橘所宜其集作天光輝天光輝失集少吾意集作諡注作愁

文苑英華卷第三百二十七

詩一百七十七

花木七草附

藥五首

茶二首

蘭九首

萱三首

衆草九首

苔三首

蘆葦四首

萍三首

枸杞二首

雜詠七首

木葉十首

藥

採藥太布山

吳均

我本此一作北山北緣澗採山麻九莖日反照三華長生花

可以用一作蠲憂疾聊持駐景斜不可駐年來果如驅安

得崑崙山偃蹇樹三株三株樹始一作始結菱絳葉陵朱臺

玉壺白鳳肺金鼎青龍胎韓衆及王子何代無仙才安期
儻欲顧相見在蓬萊 一作皆藝文類聚

採石上菖蒲

江淹

瑤琴久蕪沒金鏡廢不看不見空閨裏縱橫愁思端緩步
遵行波一作汀渚揚棹汎春瀾竇亦煙流綺水淥滔輕一作桂丹憑酒
意未悅半景方自歎每為憂見及杜若詎能寬冀採石上
草得以駐衰顏赤鯉儻可乘雲霧不復還 一作皆藝文類聚

採藥

王績

野情貪藥餌郊居倦蓬華青龍復集作護道符白大遊山迷集作術
要鍊戊己月集作旦負鍾庚集作丙辛日時時斷障遮集作橫往
往孤峯出行披葛仙注坐驗農皇帙集作神農帙龜地採二苓
赤白尋雙朮地凍根難盡藁枯苗易失從容肉作名署預膏
成質家豐松葉酒蕉集作器貯參花蜜且復歸去來刀圭輔集作養衰疾

春泉洗藥

宋之問

今日遊何處春泉洗藥歸悠然紫曲晝掩白雲扉魚樂
偏尋藻人間音闌屢採薇中無俗事身世兩相違

藥

陳潤

有嘉疑祕神仙君臣有禮焉忻當苦口喻不晨疑入腸偏扁鵲
功成日神農定器然疑丹成如可待雞犬自聞天

茶

喜園中茶生

韋應物

潔性不可汙為飲滌塵煩此物信靈味本自出山原聊因
理郡餘率爾植荒園嘉集作喜隨衆草長得與幽人言

峽中嘗茶

鄭谷

簇簇新英摘露光小江園裏火前嘗吳僧謾說鴉山好蜀
叟休誇鳥集作鳥甯香入集作合座半甌輕泛綠開緘數片淺

含黃鹿門病客不歸去酒渴更知春味長

蘭

賦得蘭澤多芳草

梁孝元帝

春蘭本無艷春澤最歲蕤燕姬得夢罷尚書奏事歸臨池
影入浪從風香拂衣當門已芬馥入室更初學記芳菲蘭生
不擇逕十步豈難稀
以下四篇並見初學記

蘭

後梁宣帝

折莖聊可佩入室自成芳開花不競詩含秀委微霜

賦新題得蘭生野逕

張正見

披襟出蘭畹命酌動幽心鋤罷還開路歌誼自動琴華燈
共影落芳杜雜花深莫言閑逕裏遂不斷黃金

芳蘭

唐太宗

春暉開禁初學記苑淑景媚蘭場映庭含淺色疑露泫浮

光日麗參差影風傳初學記輕重香會湏君子折佩裏作

芬芳

園中時蔬盡加鋤理唯秋蘭數本姜集作而不顧

彼雖一物有足悲者遂賦二章

張九齡

場藿已成歲園葵亦向陽蘭時獨不遇集作露節漸無芳
旨異菁為蓄甘非蔗有漿人多利一飽誰復惜馨香

二

幸得不鋤去孤苗守舊根無心羨旨蓄豈欲近名園遇賞
寧充佩為生莫礙門幽林芳意在非是為人論

蘭和人

釋無可

蘭色結春光氛氲掩衆芳過門階覆葉尋澤逕連香畹靜
風吹亂亭秋雨引長靈均曾搴擷紉珮挂荷裳

余昔自西濱得蘭數本移藝於庭亦既逾歲而

芄然蕃殖自余遊者未始以芳草爲遇矣因悲
夫物有馱常而返不若混然者有之焉遂寄情
於此
温庭筠

寓賞本殊致意幽非我情吾常疑有流疑淺外物無重輕各言
藝幽深彼美香素莖豈爲賞者設自保孤根生易地無赤
株麗土亦同榮賞際林壑近泛餘煙露清余懷旣鬱陶爾
類徒縱橫妍虫苟不信寵辱何爲驚真隱諒無迹激時猶
簡集作棟名幽叢靄綠晚豈必懷歸耕

種蘭

陳陶

種蘭幽谷底四遠聞馨香春風長養深枝葉超人長智水
潤其根仁鋤護其芳蒿藜不生地惡鳥弓已藏椒桂夾四
隅茅茨居其中一作央左隣桃花塢右接蓮子塘一月薰手
足兩月薰衣裳三月薰肌骨四月薰心腸幽人飢如何採

蘭充餼糧幽人渴如何醞蘭爲酒漿地無青苗租白日如
散王疑不嘗仙人藥端坐紅霞房日夕望美人佩花正煌煌
美人久不來佩花徒生光刈穫及歲蕤無令見雪霜清芬
信神鬼一葉豈可忘舉頭愧青天鼓腹詠時康下有賢公
卿上有聖明王無階答風雨願獻蘭一筐

萱

萱

揚休之

開跗幽澗底散彩曲堂垂優柔清露濕微穆惠風吹朝朝
含麗景夜夜對華池

詠階前萱草

魏彥深

綠草正含芳蘿靡映前堂帶心花欲發依籠葉已長雲度
時無影風來乍有香橫得忘憂號余憂遂不忘

萱草

李嶠

履一作步尋芳草一作忘憂自結叢
葉舒春夏綠花吐
淺深紅一作黃英開養色湛仙人露香傳
少女風含貞一作北堂下曹植動文雄
一作皆單題詩

衆草

除草

杜甫

草有害於人曾何生阻脩其毒甚蜂蠆其多彌道周清
晨步前林江色未散憂芒刺在我眼焉能待高秋霜
露集作一霑衣集作蕙葉亦難留荷鋤先童稚日入仍
討求轉致水中央豈無雙釣舟頑根易滋蔓敢使依舊
丘自移集作藩籬曠更覺松竹幽芟夷不可闕疾惡信
如讎

樹中草

李白

鳥銜野田草誤入枯桑裏客土植危根逢春猶不死草木

雖有情因依尚可生如何同枝葉各自有枯榮

春草謠

顧況見文粹

春草不解行隨人止空城正月二月色綿綿千里萬里傷
人情

草一字至七字

張南史

草草折宜看好滿地生催人老金殿玉砌荒城古道青青
千里遙悵悵三春早每逢南北離別乍逐東西傾倒一身
本是山中人聊與王孫慰懷抱

庭草

曹鄴

庭草根自淺造化無遺功低迴一寸心不敢怨春風

賦得池唐生春草

陳潤

謝公遺詠處池水夾通津古往人何在年來草自春色宜
波際綠香愛雨中新今日青青意空悲行路人

曲江春早

鄭谷

花落江堤簇暖煙
雨餘江山集作色遠相連
香輪莫輾青青破
留與愁人一醉眠

芳草二首

羅鄴

廢苑牆南淺雨中
似袍顏色蒙茸微
香暗惹行人步遠
綠纔分鬪雉蹤三
楚溪頭長恨見五
侯門外却難逢年
年縱有春風便馬
足車輪一萬重

二賞春

芳草和煙暖更青
開門要路一時生
年點檢人間事唯
有春風不世情

苔

詠青苔

沈約見初學記

綠階已漠漠汎水復綿綿
微根如欲斷輕絲似更聯
長風

隱細草深堂沒綺錢
縈鬱無人贈歲蕤徒可憐

同舍弟佶班常二員外秋苔對之成詠 包何

每看苔蘚色如向簿書閑
幽思纏芳樹高情寄遠山
雨痕連地綠日映出林斑
却笑興公賦臨危滑石間

苔錢

鄭谷

春青秋紫遶池臺
箇箇圓如濟世財
雨後無端滿窮巷
買花不得買愁來

蘆葦

友人池上詠蘆

曹松

秋聲昌種得蕭瑟在池攔
葉溢蟬穩鷺難斂煙
宜疑下颯吹省先寒此物
生蒼島令人憶釣竿

蘆葦

王貞白

高士想江湖湖閑疑庭植
蘆清風時有至綠竹興何
殊嫩喜

日光薄踈憂雨點麤驚蛙跳得過鬪雀裊如無未識巴籬
護幾臺疑 叩竹扶惹煙輕弱柳蘸水漱清蒲漑灌情偏重
琴樽賞不辜穿花思釣叟吹葉少羌雛寒色暮天映秋聲遠
籟俱朗吟應有趣蕭洒十餘株

叢葦

張嶺

叢類詩叢寒水邊曾折掃魚鰓忽類詩與亭臺近翻嫌鳥
嶼偏花明無月夜聲急正秋天遙憶巴陵渡殘陽一望煙

使院栽葦

薛能

憂憂復差差一叢千萬枝格如僧住處栽得吏閑時笋自
廳中出根從府外移從軍無宿例空想夜風吹

萍

賦德池萍

庾肩吾

風翻乍青紫浪起時踈密本欲歎無根還驚能有實

萍

吳均

一作南齊劉繪

可憐池裏

一作內

萍益蓋

草盛貌一作氛氲

一

葉復青工巧

一作

隨浪開

合能逐水低平微根無所綴細葉詎須莖飄蕩

一作泊

終難

測流連如有情

一作皆初學記

同前

李嶠

二月虹初見三清

單題詩一作春

蟻正浮青籟含吹轉紫葉帶波

流屢逐明神薦怕隨旅客遊既能甜似密還復繞

單題詩一作繞楚

王舟

枸杞

楚州開元寺北院枸杞臨井繁茂可觀羣賢賦

詩因以繼和

劉禹錫

僧房藥樹依寒井井有香泉樹有靈翠黛葉生籠石甃
紅子熟照銅瓶枝繁本是仙人杖根老新成瑞犬形上品

功能甘露味還知一勺可延齡

拘抱寄郭使君

集作和郭史君題拘抱

白居易

山陰

集作陽

太守政嚴明吏靜民

集作夜靜人

安無犬驚不知靈

藥根成狗恠得時聞吠夜聲

雜詠

烹葵

前人

昨卧不夕食今起乃朝飢貧厨所有炊稻烹秋葵紅粒

香復軟綠英滑且肥飢來止於飽飽復何所集作飽後復何思憶

昔集作思憶榮遇日迄今窮退時今亦不凍餒昔亦無餘資口

既不減食身又不減衣撫心自私問何者是榮衰勿學常

人意其間分是非

和李君鍾鐘葛

戎昱

弱質人皆弃唯君手自栽藟含霜後竹菝惹臘前梅擬託

陵雲勢須憑接引材清陰如可惜黃鳥定飛來

茅

李嶠見單題詩

楚甸供王日衡陽入貢年麇苞青野外鷓嘯綺楹前堯帝

成茨罷殷湯祭雨旋方期大君錫不懼小巫捐

芳蓀生茅山東溪陶隱君謂之溪蓀花紫色生

淺水中

李德裕

楚客重蘭蓀遺芳今未歇葉抽清淺水花照暄妍節紫艷

映渠鮮輕香含露發集作繫離君若有贈暫與幽人折

移莎

唐彥謙

移從杜城曲置在小齋東正是高秋裏仍兼細雨中結根

方迸竹踈蔭說高桐萼齋芳草飄飄笑斷蓬片時留靜

者一夜響鳴蛩野露通宵滴溪煙盡日蒙試才卑庾雍求

味笑周菘只此霜栽好他時贈伯翁

西明寺威公盆池新稻

前人

為笑江南種稻時
露蟬鳴後雨霏霏
蓮盆積潤分畦小
藻井垂陰擢秀稀
得地又生金粟界
結根仍對水田衣
支公尚有三吳思
更使幽人憶釣磯

草木言

陳陶

何生我蒼蒼何育我黃黃
草木無知識幸君同三光
始自愛姓名歲豨立表疑作衣
裳山河既分麗首乳青陽
其辛各有榮好醜不相妨
常憂刀斧劫竊慕仁壽鄉
願天雨無暴願地風無狂
兩足因衰憊風多因天傷
在山不為桂徒辱君高岡
在水不為蓮徒占君深塘
勿輕培塿阜或有竒棟梁
勿輕蒙隴澤或有竒馨香
消毫可鹿差疑長擁腫若無取
大椿命為傷安不材生苒苒
向秋荒辛遭薰風日有得
皆簸揚所愧雨露恩願効幽微芳
希君頻採

擇勿使拈雪霜

木葉

題落葉

司空曙

霜景催危葉今朝半樹空
蕭條故國異零落旅人同
颯岸浮寒水依階擁夜蟲
隨風偏可羨得到洛陽宮集作城中

衛明府寄枇杷葉以詩答

前人

傾筐呈綠葉重疊色何鮮
詎是秋風裏猶如曉露傳
僑方見重消疾本應便全勝
甘蕉贈空投謝氏篇

落葉

孔紹安

早秋驚落葉飄零似客心
翻飛未肯下猶言惜故林

一落葉

白居易

煩暑鬱未通涼颺潛已起
寒溫與盛衰迭相為表裏
蕭蕭衆林下一葉忽先委
勿言一葉微搖落從此始

同前

薛能

輕葉獨悠悠，天高片影流。隨風來此地，何樹落先秋。變色黃應近，亂枝綠尚稠。無雙浮水面，孤絕落關頭。乍減誠難覺，將凋勢未休。客心空自比，誰肯問新愁。

隕葉

釋無可

遠巷夾溪紅，蕭條逐北風。別林遺宿鳥，浮水載鳴蟲。石小埋初盡，枝長落未終。霜書麗什闕，讀白雲中。

題桐葉

杜牧

去年桐落故溪上，把筆偶題歸鶯詩。江樓今日送歸鶯，正是去年題葉落。鶯歸今_{集作}可惜，東流玄髮

且無期。笑筵歌席反惆悵，朗月清風愴_{集作}別離。莊叟彭殤同在夢，陶潛身世兩相遺。一丸五色成虛席_{集作}石爛松

薪更莫疑_{切也}哆_{切也}侈不勞文似錦，進趨何必利如錐。錢神

任爾知無敵，酒聖於吾亦庶幾。江畔秋光蟾閣鏡，檻前山翠茂陵眉。樽芳_{集作}香_{集作}輕泛數枝菊，簷影斜侵半局碁。

休指官遊論巧拙，祇將愚直禱神祇。三吳煙水平生念，寧向閑人道所之。

和杜錄事題紅葉

白居易

寒山十月旦，霜葉一時新。似燒非因火，如花不待春。連行排絳帳，亂落剪紅巾。解駐籃舁_{集作}看風前，唯兩人

紅葉

羅隱

不柰荒城畔，那堪晚照中。野晴霜裊綠，山冷雨摧紅。游子灞陵道，美人長信宮。等閑俱_{集作}歲暮，搖落意無窮。

同前

唐彥謙

無處

高樓臨道旁，素娥前夕月。青女夜來霜，宿雨隨時潤。秋晴着物光，幽懷長若此。病眼妨更相，蜀紙裁深

隨時潤。秋晴着物光，幽懷長若此。病眼妨更相，蜀紙裁深

隨時潤。秋晴着物光，幽懷長若此。病眼妨更相，蜀紙裁深

隨時潤。秋晴着物光，幽懷長若此。病眼妨更相，蜀紙裁深

色燕脂落靚粧低叢侵小閣倒影 回塘謝眺留霞綺其
寧棄錦張何人休遠道是處有斜陽薜荔垂書幌梧桐墜
井牀晚風生旅館寒箒近僧房挂綠明淮甸楓丹照楚鄉
鴈踈臨鄆杜蟬急傍瀟湘樹異桓宣武園非顧辟強茂陵
愁卧客不自保危腸

文苑英華卷第三百二十七

登仕郎胡柯

鄉貢進士彭

叔夏

校正

文苑英華卷第三百二十八

詩一百七十八

禽獸一

鳳三首

鶴二十七首

鷹五首

鳥五首

鵲七首

鴈二十首

鷲十首

鳳

賦得棲梧桐威鳳

張正見

見初學記

丹山下威鳳來集帝梧中欲舞春花落將飛秋葉空影照
龍門水聲入洞庭風別有將雛曲翻更合絲桐

鳳

李嶠

有鳥居丹穴其名鳳凰九苞應靈瑞五色成文章屢向
秦樓側頻過洛水陽鳴岐今日一作已見阿閣寧來翔

同前

伊夢昌

好是山家鳳歌成非楚鷄毫光洒風雨紋綵動雲霓竹實
不得飽桐孫何足栖岐陽今好去律呂正淒淒

鶴

登板橋詠洲間獨鶴

梁簡文帝

遠霧旦氣氳單飛繞可分孤驚思類聚作宿嶼浦霸咲下江濱

意惑東西水心迷四面雲誰知獨辛苦江上念離羣

賦得舞鶴

同前見初學記

來自芝田遠飛渡武溪深振迅依吳市差池逐晉琴竒琴

傳迴澗動翅拂花林欲知情外物伊洛有清潯

主人池前鶴

吳均

本自乘軒者為君塔下禽低昂初學記作摧藏多好貌清咲有竒

音稻梁恩類聚作惠既重華池遇亦深顧思初學記作懷恩未忍去非

無江海心

賦得華亭鶴

孔德紹見初學記

華亭失侶鶴乘軒寵遂終三山陵苦霧千里激悲風心危

白露下聲斷綵絃中何言斯物變翻復似遼東

鶴

李嶠見單題詩

黃鶴遠聯翩從鸞下紫煙翱翔一萬里來去幾千年已憇

青田側時遊丹禁前莫言空警露猶冀一聞天

郡府中每辰輿輒見羣鶴東飛至暮又行列而

返弄吭一作雲路甚和樂焉余愧獨處江城常目

送此鳥意有所羨遂賦以詩 張九齡

雲間有數鶴撫翼意無違曉日東田去霄煙北渚歸謹呼

良自適羅列好相依遠集長江靜高翔衆鳥稀豈煩仙子

馭何畏野人機却念乘軒者拘留不得飛

遇旅鶴

孫昌胤

靈鶴產絕境昂昂無與儔單飛滄溟曙一叫雲山秋野性
方自得人寰何所求時因戲祥風偶爾來中州中州帝王
宅園沼深且幽希君惠稻梁欲拜辭丹兵不然奮飛去將
適汗漫遊肯作池上驚年年空沉浮

寄輿國池鶴上相公

張衆甫

駢狎經時久雛雛短翮存不隨淮海變空媿稻梁恩獨立
秋天靜單棲夕露繁欲飛還劒翼詎敢望乘軒

白三十

集作白
二十二

侍郎有雙鶴留在洛下

集作
中

子西園多野

水長松可以栖息遂以詩請之

裴度

聞君有雙鶴羈旅洛城東未放歸仙去

集作
路

何如乞老翁且

將臨野水莫閉在樊籠好是長鳴處西園白露

集作
松暹中

酬裴相公乞子雙鶴

白居易

警露聲音好冲天相貌殊終宜向寥廓不稱在泥塗白首
勞為軒裳門幸見呼不知疎野性解愛鳳池無

送鶴與裴相臨別贈詩

前人

司空愛爾爾須知不信聽吟送

一作
乞

鶴詩羽翮勢高寧惜別

稻梁恩重莫愁飢夜棲莫

集作
少

共雞爭樹曉

一作
日

浴先饒鳳

占池穩上青雲

一作
冥

勿迴顧的應勝在白家時

失鶴

前人

失為庭前雪飛因草

集作
海

上風九霄應得侶三夜不歸籠

聲斷碧雲外影沉明月中郡齋從此後誰伴白頭翁

和裴相公寄白侍郎求雙鶴

劉禹錫

皎皎華亭鶴來隨太守

白君罷吳郡太
守携鶴雛來

青雲意長在

長在滄海別經年留滯清洛苑徘徊明月天何如鳳池上

雙舞入祥煙

別鶴

張籍

雙鶴出雲溪分飛各自迷空巢在樹集作折羽落江泥
尋水終不飲逢林亦未栖別離易老萬里草集作淒淒

失鶴

李遠

秋風吹起雜詩作却九臯禽一片閑雲萬里心碧落有情應悵

望瑤臺詩選作青天無路可追尋初來一作來時白雪翎猶短欲去

一作去日丹砂頂漸深華表樹頭留語後不知類詩作更無消息到

如今

應悵望

應又玄集作空

過舊遊見雙鶴愴然有懷

前人

郎公何歲掩揪雙鶴依然傍玉樓朱頂噴岢荒草上雪
毛靈落小池頭蓬瀛路斷君何處雲水情深我尚留他日
若來華表柱更添多少令威愁

崔卿池上鶴

賈島

月中時叫葉紛紛不異洞庭霜夜聞翎羽如今從放長一作

從今如猶能飛起向集作孤雲

憶鶴

劉得仁

自爾歸仙後經秋又過春白雲尋不得類詩作見紫府去無因

此地空明月何山伴羽人終期華表上重見類詩作瞻望令威身

同前

一作高松鶴

前人

白絲翎羽丹砂頂曉度秋煙出翠微來向孤松枝上立見
人吟苦却高飛

山陽盧明府以雙鶴寄遺白

一作伯

氏以詩為答因

寄和

趙嘏

緱山雙去羽翰輕應為仙家好弟兄苑囿枕前秋對舞陸
雲溪上夜曾鳴紫泥封處曾回首碧落歸時莫問程自笑
滄江一漁叟何由似爾到層城

失鶴二首

薛能

偶背雕籠與我違，四方端佇竟忘歸。
誰家白日雲間見，何處滄洲雨裏飛。
曾啄稻梁殘粒在，舊翹泥潦半蹤稀。
憑人轉覓多相誤，盡道皤然作令威。

二

華表翹風未可期，變丁投衛兩堪疑。
應緣失路防人損，空有歸心最我知。
但見空籠拋夕月，若何無樹宿荒陂。
不然直過高空外，白水青山屬臘疑作師

答賈支使寄鶴

前人

瑞羽竒姿踉蹌形，稱為仙馭過青冥。
何年厚祿曾居衛，幾世前身本姓丁。
幸有遠雲兼遠水，莫臨華表望華亭。
勞君贈我清歌侶，將去田園夜坐聽。

陳州刺史寄鶴

前人

臨風高視聳竒形，渡海冲天想盡經。
因得羽儀來洛浦，便無魂夢去華亭。
春飛見境乘桴切，夜咲聞時醉枕醒。
南守欲知多少重，撫毛千萬喚丁丁。

失鶴

李羣玉

瑤臺烟霧外，一去沒還心。集作不迴心
暗集作清海蓬壺，遠秋風碧落深。
墮集作隕翎留片雪，雅操入孤琴。
不集作豈是籠中物，雲蘿更莫集作莫更尋。

鶴

鄭谷

一自王喬放自由，俗人行處懶回頭。
睡輕旋覺松花墮，舞罷閑聽澗水流。
羽翼光明欺積雪，風神灑落占高秋。
應嫌白鷺無仙骨，長伴漁翁宿芡洲。

病中題主人庭鶴

羅隱

遼水華亭舊所聞，病中毛羽最憐君。
稻梁且足身兼健，何

必青雲與白雲

鷹

詠鷹

隋煬帝

見初學記

遷朔欲之衡忽投尉羅裏既以羈華絆仍持獻君子青骹
固絕傳素羽誠難擬深目表茲稱閱臆斯為羨驚獸不及
奔猜禽無暇起雖蒙講上榮無復陵雲志

觀放白鷹

李白

八月邊風高胡鷹白錦毛孤飛一片雪百里見秋毫

見人臂蒼鷹

前人一作高適

寒冬

楚集作

十二月蒼鷹八九毛寄言驚雀莫相啅自有雲

霄萬里高

同前

章孝標

星眸未放瞥秋毫頻掣金鈴試雪毛會使老拳供口腹莫

辭親手啖腥臊穿雲自恠身如電殺免誰知瓜一作勝刀可

惜忍飢寒日暮向人鵠知咸切鳥啄食也斷碧絲條

白鷹

鄭絲

白錦文章亂丹霄羽翻齊雲間呼暫下雪裏放還迷梁苑
驚池驚陳倉拂野鷄不知寥廓外何處是一作依棲

鳥

詠鳥代陳師道

唐太宗

陵晨麗城去薄暮上林棲辭枝枝暫起停樹樹還低向日
終難託迎風詎肯迷只待纖纖手曲裏作宵啼

晚風鳥

虞世基

向日晚飛低飛飛未得棲只為歸林遠怕當侵夜啼

詠巢鳥應詔

楊師道

桂樹春暉滿巢鳥刷羽儀朝飛麗城上夜宿碧林垂皆風

藏密葉向日逐踈枝仰德還能哺依人初學記作仁遂可窺驚鳴
雕輦側王吉自相知

詠霜朝城上鳥

王拊

霜旦早暉通城鳥漸颺空聲喧高疊疑外曲韻楚琴中樓寒猶一作畏虎賁弓
映曉日竿迴噪朝風雖狎金墉上獨

鳥

李嶠

日路朝飛急霜臺夕影寒聯翩依月樹迢遞繞風竿白首
何年改清琴此夜彈靈臺如可託千里向長安

鵲

看柳上鵲

魏收見初學記

背歲心能識登春巢自成立枯隨雨霽依枝須月明疑是
雕籠出當由抵玉驚間關拂條軟迴復振毛輕何獨離婁
意傍人但未聽

詠鵲

蕭紀

欲避新枝滑還向故巢飛今朝聽聲喜家信必應歸

鵲

李嶠

不分荆山抵甘從石印飛危巢畏風急繞樹覺星稀喜逐
行人至愁隨織女歸儻遊明鏡裏朝夕動一作發光輝類詩作儻
教明鏡裏朝夕有堯曦

山行見鵲巢

蔣冽

鵲巢性本高更在西山木朝下清泉戲夜近明月宿非直
避網羅兼能免傾覆豈復一作憂五陵子挾彈來相逐

夜飛鵲

前人

北林夜方久南月影頻移何嘗飛三匝猶言未得枝

壬申閏秋題贈烏鵲

李商隱

繞樹無依月正高鄴城新淚濺雲袍幾年始得逢秋閏兩

度填河莫告勞

邳州進白野鵲

薛能

輕毛疊雪翅開霜紅背能深練尾長名應玉符朝北闕色
柔金性瑞西方不憂雲露填河遠為對天顏送喜忙從此
定知栖息處月宮瓊樹是仙鄉

鴈

詠鴈

一作賦得隴
坻鴈初飛

梁簡文帝

高翔憚閱海下去怯虞機霧閣早相失沙明還其飛隴狹
朝聲亂風急暮行稀雖殄輪臺援未解龍城圍相思不得
反且寄別書歸

夜聽鴈

蕭子範

天月廣夜輝遊鴈犯霜飛連翩辭朔氣嘹唳獨南歸夜長
寒復靜燈光暖類聚作暖欲微悽悽不可聽何況觸愁機

詠鴈

王褒

伺朝聞曙響妬隴類聚作壘有春暈豈若雲中鴈秋時塞外
歸河長猶可涉海閣故難飛霜多聲轉急風踈行屢稀園
池若可至不復怯虞機

詠鴈

見二百八十五卷

王胄

失羣鴈

并序

盧照隣

溫縣明府以鴈詩垂示余以為古之郎官出宰百里今之
墨綬入應千官事止鴈行未宜傷歎至如羸卧空石者乃
可為失羣慟耳聊因伏枕多暇以斯文應之

三秋北地雪皚皚萬里南翔渡海來欲隨石鷺沉湘水試
逐銅鳥繞帝臺帝臺銀闕距金塘中間駕鷺已成行先過
上苑傳書信暫下中州戲陷梁虞人負繳來相及齊客虛
弓忽見傷毛翎顛顛飛無力羽翮摧頽君不識唯有莊周

解愛鳴復道郊歌重奇色惆悵驚思悲未已徘徊自憐罔
中一作極傳聞有鳥集朝陽詎勝仙鳧適帝鄉雲間海上
應鳴舞遠得鷓鴣弦猶獨撫金龜全寫中年印玉鵠當變萊
蕪釜願君弄影鳳皇池時憶籠中摧折羽

同臨津紀明府孤鴈

前人

三秋違北鴈一作萬里向南翔河洲花稍白關塞葉初黃
避繳風霜勁懷書道路長流水流疑箭動月照似弓傷橫
天無有陣度海不成行會刷能鳴羽還赴上林鄉

秋鴈

駱賓王

聯翩辭海曲搖曳指江干陣去金河冷書歸玉塞寒帶月
陵空易迷煙逗浦難何當同顧影刷羽泛清瀾

同張二詠鴈

前人

唼藻滄江一作蒼梧非遠銜蘆紫塞長霧深迷曉集作晚非景風急斷

秋行陣照通宵月書封幾夜霜無復能鳴分空知愧稻梁

南中詠鴈

常承慶

萬里人南去三春鴈北飛不知何歲月得與爾類詩作汝同歸

詠鴈

李嶠

春暉滿朔方歸單題詩作侯鴈發衡陽望月驚弦影排雲結陣

行往還倦南北朝夕苦風霜寄語能鳴侶一作伴相隨入帝鄉

同綦毋學士月夜聞鴈

張九齡

棲宿豈無意飛飛更遠尋長塗未及伴一作半中夜有遺音月

思關山笛集作路風號流水琴空聲兩相應幽感一何深避

繳歸南浦離羣叫北林聯翩俱不定憐爾越鄉心

歸鴈

杜甫

聞道今春鴈南歸自廣州見花辭漲海避雪到羅浮是物
關兵氣何時免客愁年年霜露隔不過五湖秋

孤鴈

前人

孤鴈不飲啄飛鳴聲念羣誰憐一片影相失萬重雲望盡
似猶見哀多如更一作更復聞野鷗無意緒鳴噪自一作紛紛

送征鴈

錢起

秋空萬里靜嘹唳獨一作鴈南征風急翻霜冷雲開見月驚塞
長憐去翼影滅有餘聲悵望遙天外鄉愁滿目生

沙上鴈

耿緯

衡陽多道里弱羽復哀音還塞知何日驚弦亂此心夜陰前
侶遠秋冷後湖深獨立汀洲意唯憂霜霰侵

早鴈

杜牧

金河秋半虜弦開雲上驚飛四散哀仙掌月明孤影過
長門燈暗幾聲來一作未隨胡馬翩翩去集作須知湖豈逐
春風二迴莫厭一作好是瀟湘少人處水多菰米岸莓苔

同前

顧非熊

逐暖來南國迎寒背朔雲下時波勢出起處陣形分聲急
奔前侶行低續後羣何人寄書札絕域可知聞

同前

鄭谷

八月悲風九月霜蓼花紅淡葦條黃石頭城下波搖影星
子灣西雲間行驚散漁家吹短笛失羣征戍鏢殘陽故鄉
聞爾亦惆悵何況扁舟非故鄉

歸鴈

陸龜蒙

暮天新鴈起汀洲紅蓼花疎絕句詩選作開水國秋想得故園今夜
月幾人相憶在江樓

歸鴈

陸龜蒙

北走南征像我曹天涯迢遞翼應勞似悲邊雪音猶苦
初背岳雲行未高月島聚栖防暗繳風難斜起避驚濤時

不問隨陽

一作陽臺非

意空拾攔邊翡翠毛

鷺

鷺

李嶠

芳樹雜花紅羣鷺亂曉空聲分折楊吹

一作柳

嬌韻落梅風寫

轉清絃裏遷喬暗木中友生若何

疑作可

冀幽谷響還通

集作

曉度花紅關關亂曉空下離幽谷日先轉上林風

同前

鄭縉

欲轉聲猶溢將飛羽未調高風不借便何處得遷喬

龜茲聞鷺

梁陟

邊樹正參差新鷺復陸離嬌非胡俗變啼是漢音移繡

羽花間覆繁聲風外吹人言曾不辨鳥語却相知出谷情

何寄遷喬義取斯今朝鄉陌伴幾處坐

疑

高枝

聽宮鷺

杜詩黃鸝鳥並坐文樞濕坐字音以此句不洎疑

春樹遶宮墻宮鷺次第翔忽驚啼欲斷移處哢還長隱葉

棲承靈桃花出未央遊人未應返為此始思鄉

春曉聞鷺

武元衡

寂寂蘭堂曉夢驚綠林斜

集作殘

月思孤鷺猶

一作獨

疑蜀魄千

年限

一作變非

化作禽冤萬轉聲

奉和武相公春曉聞鷺

許孟容

碧樹當牕啼曉鷺間關入夢聽難成千回萬轉盡愁思疑

是血魂哀困聲

同前

李益

蜀道山川心易驚綠牕魂

絕句詩選作殘

夢曉聞鷺分明似雪文君恨

萬怨千愁絃上聲

同前

于敖

玉繩河漢曉縱橫萬籟潛收鷺獨鳴能將百轉清心骨寧

止閑窓夢不成

同前

皇甫鏞

華館沉沉曙境清
伯勞初轉月微明
不知台座宵吟久
猶向花牕驚夢聲

黃鸝

鄭谷

春雲澹澹集作薄薄日輝輝
宮樹煙深隔水飛
應為能歌繫仙籍
麻姑乞與女真衣

文苑英華卷第三百二十八

登仕郎胡柯

鄉貢進士彭

叔夏

校正

文苑英華卷第三百二十九

詩一百七十九

禽獸二蟲附

百舌五首

鸚鵡七首

鴛鴦四首

鸚鵡二首

孔雀二首

鷺鷥四首

鷄雉二首

鷓鴣五首

鳥二首

鷗一首

鵝鴨二首

燕十七首

雀四首

子規六首

雜題五首

蝶三首

蜂一首

螢十一首

百舌

詠百舌

劉孝綽

山人惜春暮旭旦坐花林復值懷春鳥枝間弄好音遷喬
聲迴出赴谷響幽深乍聽長而短時聞絕復尋孤鳴若無
對百轉似羣吟肯聞屢歡肯今聽忽悲今聞聽非殊異逢
暮獨傷心

聽百舌

徐悱妻劉氏

庭樹旦新晴臨鏡出雕楹風吹桃李氣過傳春鳥聲淨寫
山陽笛全作洛濱笙注意留觀類聚作聽誤令粧不成

在長安聽百舌

陳聘使常鼎

萬里風煙異一鳥忽相驚那能對遠客還作故鄉聲

聽百舌鳥

李元操

烟銷上路靜漏盡禁門通好鳥從西苑流響入南宮間關
既多緒變轉復無窮調驚時斷絕音繁有異同飲啄歸承
露飛鳴上別風未避王孫彈寧畏虎賁弓石渠皆學府麟

閣悉文雄不恠

一作惟

青泥印時尋白社中

汝濱秋事同仙州王長史聞百舌鳥

祖詠

秋天聞好鳥驚起出簾帷却念殊芳月能鳴已後時遷喬
誠可早出谷此何遲顏影慙無對懷羣增所思淒涼歲欲
晚蕭索鶯將辭留聽未終曲彌令心獨悲高飛憑力致巧轉
任天姿返覆知而靜間關斷若遺花繁上苑路霜落汝川
湄且長陵風翻乘春自有期

鸚鵡

同蔡孚起居詠鸚鵡

胡皓

鸚鵡殊姿致鸞凰得比有常循金殿裏每話玉堦前賈誼
才方達揚雄老未遷能言既有地何惜爲聞天

詠鸚鵡

裴說

常貴西山鳥銜恩在玉堂語傳明主意衣一作翅拂美人香

緩步尋珠網高飛上畫梁長安頻道樂何日從君王

同前

李義府

牽弋辭重海觸網去層巒戢羽雕籠際延思彩霧端慕侶
朝聲切離羣夜影寒能言殊可貴相助憶長安

同前

杜甫

鸚鵡含愁思聰明憶別離翠衿渾短盡紅背謾多知未有
開籠日空殘舊宿枝世人憐復損何用羽毛奇

初出金門尋王侍御不遇詠壁上鸚鵡 李白

落羽辭金殿

一作關

孤鳴託

一作集

繡衣能言終見棄還向隴

山飛

鸚鵡

白居易

隴西鸚鵡到江東養得經年背漸紅常恐思歸先翦翅每
因餒食暫開籠人憐巧語情雖重鳥憶高飛意不同應似

朱門歌舞妓深藏牢閉後房中

同前

吳英秀

莫把金籠閉鸚鵡箇箇聰明解人語忽然更向君前言三

十六宮愁幾許

鴛鴦

和友人鴛鴦之什三首

崔珏

翠鬢紅毛舞夕暉水禽情似此禽稀暫分烟島猶迴首只
渡寒塘亦並一作共飛映霧乍迷金殿瓦逐梭齊上一作還似玉

人機採蓮無限蘭橈女笑指中流羨爾歸

二

寂寂春塘煙晚一作曉時兩心如影共依依溪頭日暖眠沙
穩渡口風寒浴浪稀翡翠莫誇饒彩飾鵝鶩須羨好毛衣
蘭深芷密無人見相逐相呼何處歸

舞鶴翔鸞俱別離可憐生死兩相隨紅絲毳落眠沙處白
雪花成蹙浪時琴上只聞交頸語窻前空展共飛時如何
相見長相對肯羨人間多所思

鴛鴦

羅鄴

江雲一作紅開碧靜霽煙開錦翅雙雙一作輕飛去又迴一種鳥憐
連一作名字好祗緣人恨別離來暖依牛渚江莎媚夕宿龍
池禁漏催相對若教秦女見便應携一作上鳳凰臺一作皆類詩

鷓鴣

鷓鴣

杜甫

故使籠寬織須知動損毛看雲莫悵望失水任呼號六翻
曾經剪孤飛卒未高且無鷹隼慮留滯莫辭勞

同前

唐彥謙

一宿南塘煙雨時好風搖動綠波微驚離曉岸衝花去暖
下春汀照影飛華屋撚絃彈鼓舞綺窻含筆澹毛衣畫屏
見後長迴首爭得雕籠莫放歸

孔雀

西川使宅有韋太尉集作令公時孔雀存焉暇日因

與諸公同翫座中兼故府賓御集作妓興歎集作
者久之因賦是集作此詩用廣其意武元衡

荀令昔居此故巢留越禽動搖金翠尾飛舞玉池一作塔
陰一作碧上客撤瑤瑟美人德蕙心會因南國使歸放海

雲深

孔雀

薛能

偶有功名正俗才靈禽何事降瑤臺天仙散毛應是宮后
弄帟尾忽開曾處嶂中真霧隱每過庭下似春來佳人

為我和衫拍遣作傴傴

一作送一盃

鷺鷥

鷺鷥

張祐

深窺思不窮，揭趾淺沙中。一點山光淨，孤飛潭影空。暗棲

松葉露雙一作輕，下蓼花風好。是滄波侶，垂絲趣亦同。

同前

鄭谷

閑立春塘一作菰，煙澹澹靜眠寒。葦雨颼颼漁翁歸後，沙汀

晚集作晚飛下雜詠作上灘頭更自由。

同前

裴說

秋江清淺時，魚過亦頻窺。却為分明極，翻成集作今所得遲。

浴儂紅日色，棲壓碧蘆枝。會共鷓鴣同侶，翔翔應可期。集作自

同前

羅隱

斜陽澹澹柳陰陰，風裏寒絲映水深。不要雜詠作莫謾向人誇

潔白也知長雜詠作常，有羨魚心

雞雉

山雞

溫庭筠

石集作萬壑動晴景，山禽陵翠微。繡翎翻草去，紅嘴啄花歸。

巢暖碧雲色，影孤清鏡輝。不知春樹畔，何處又分飛。

雉

李嶠

白雉振朝聲，飛來表太平。楚郊疑鳳出，陳寶若雞鳴。童子懷仁至，中郎作賦成。冀君看飲啄，耿介獨含情。

鷓鴣

鷓鴣啼

韋應物

可憐鷓鴣飛，飛向樹南枝。南枝日照暖，北枝霜露滋。露滋不堪栖，使我夜常啼。願逢雲中鶴，銜我向寥廓。願作城上鳥，一年生九雛。何不舊巢住，枝弱不得一作若去。何意道苦辛。

客子常畏人

九子坂一作坡聞鷓鴣

李羣玉

落照蒼茫秋草明鷓鴣啼處遠人行正穿屈曲崎嶇路又聽鈞鞞格磔聲曾泊桂江深岸雨亦於梅嶺阻歸程此時為爾腸千斷定是今宵白髮生

鷓鴣

鄭谷

暖戲烟蕪錦翼齊品流應得近山雞雨昏青草湖邊過花落黃陵廟裏啼行客集作遊子乍聞征袖濕歌集作佳人纔唱翠眉低相呼喚湘江闊集作相遠苦竹叢深春日西

同前

常莊

南禽無侶似相依錦翅雙雙傍馬飛孤竹廟前啼暮雨汨羅祠類詩作江畔弔殘暉秦人只解歌為曲越女空能畫作衣懊惱澤家鷓鴣之音澤類詩作渾非有恨非類詩作知年年長憶鳳城歸

放鷓鴣

羅鄴

好傍青山與碧溪刺桐毛竹一作羽待雙棲花時遷客傷離別莫向相思樹上啼

鳧

賦得汎汎水中鳧

江惣

歸鳧沸卉同亂下方塘中出沒時銜藻飛鳴忽颺風浮深或不息戲廣若乘空春鸚徒有賦還笑在金籠

鳧

李嶠

颯沓睢陽涘浮遊漢渚隈錢飛出井見鶴引入琴哀李陵賦單題詩作降將貽詩罷王喬曳鳥來何當歸太液翔集動成雷

鷗

詠白鷗

何遜

可憐雙白鷗朝夕水上遊何言異栖息鷗鷗鳴通用住雄不留孤

飛出淑浦

類聚作淑浦

獨宿下滄洲東西從此去影響絕無由

鵝鴨

題鵝

李商隱

眠沙臥水自成群曲岸斜

集作發

陽極浦雲那得

集作解

將心

憐孔翠

集作雀

羈雌長共故雄分

花鴨

杜甫

花鴨無泥滓階前每緩行羽毛知獨立黑白太分明不覺羣心妬休牽衆眼驚稻梁露汝在作意莫先鳴

燕

詠新鷺

梁昭明太子

類聚作梁簡文帝

新禽應節歸俱向吹樓飛入簾驚釧響來窻疑

類聚作疑

舞衣

詠鷺

吳均

一鷺海上來一鷺高堂息一朝相逢遇依然舊相識問爾

類聚作余

來何遲山川幾紆直答言海路長風多

類聚作馭

飛無力

詠簷鷺

庾肩吾

雙燕集蘭閨雙飛高復低向戶疑新箔登巢識故泥依欄本相賀近幕願同栖

和晉安王詠鷺

前人

可憐幕上鷺差池弄羽衣羽夜同巢宿朝朝相背飛銜泥瞻樂善相賀奉英徽秋蟬竹寂寞戀此未辭歸

銜泥雙鷺

蕭詮

見類聚

銜泥金屋外表瑞玉筐中學飛疑漢妾巢幕憚吳宮爪截還猶短窠成常不空

一作巢成

詎並零陵石飛舞逐春風

賦得戲鷺俱宿

虞世基

大厦初構與雲齊歸鷺雙入正銜泥欲繞歌梁向舞閣偶為仙履往蘭閨千里爭飛會難並聊向吳宮比翼栖

鷺

李嶠

天女伺辰至玄衣澹碧空差池沐時雨頡頏舞春風相賀
雕楹側雙飛翠幕中單題詩驚留爪去猶冀識吳宮吳地

記吳宮人剪燕爪
留之以記更末

鷺巢軍幕

宋之問

非關憐翠幕不是厭朱樓故來呈鷺領報欲封侯

春鷺

徐壁

雙鷺今朝至何時發海濱窺人向簷語一作窺簷
向人語知道故鄉春

詠鷺

張九齡

海鷺何微眇乘春亦暫來豈知泥滓賤祇見玉堂開繡戶
時雙入雕梁集作
華軒日幾迴無心與物競鷹隼莫相猜

燕銜泥

馮著

雙鷺碌飛入屋屋中老人喜鷺歸徘徊繞我床頭飛去

年為爾逐黃雀雨多屋漏泥土落爾莫厭老翁茅屋低梁
頭作窠梁下栖爾不見東家黃鷺鳴嘖嘖蛇盤瓦溝鼠穿
壁豪家大屋爾莫居驕兒少婦採爾鷓井旁寫水泥自足
銜泥上屋隨爾欲

同前

韋應物

銜泥鷺聲婁婁尾涎涎秋去何所歸春還復相見豈不解
決絕高飛碧雲裏何為地上銜泥滓銜泥雖賤意有營杏
梁朝日巢欲成不見百鳥畏人林野宿翻遭羅網俎其
肉未若銜泥入華屋鷺銜泥百鳥之智莫與齊

賦得早燕送別

李益

碧草漫一作
縵如線來去集作
去來雙飛鷺長門未有春先入班
姬殿梁空繞復一作
不息簷窺欲遍今至隨紅藥集作
萼昔
還悲素扇一別與秋鴻差池詎相見

詠鷺示劉叟

劉叟有愛子背叟逃走一作去叟甚悲念之叟少年時亦嘗如

是作鷺詩以論之

白居易

梁上有雙鷺翩翩雄與雌銜泥兩椽間一巢生四兒四兒
日夜長索食聲孜孜青蟲不易捕黃口無飽期嘴爪雖欲
弊心力不知疲須臾十來往猶恐巢中飢辛勤三十日母
瘦鷓漸肥喃喃教言語一一刷毛衣一旦羽翼成引上庭
樹枝舉翅不迴頭集作隨風四散飛雌雄空中鳴聲盡呼
不歸却入空巢啁啾終夜悲鷺鷺爾勿悲當反自思思爾
為鷓日高飛背母時當時父母念今日爾應知

洞房鷺

張祜

清曉洞房開佳人喜鷺來乍疑釵上動輕似掌中迴暗語
臨集作通作牕戶深窺傍鏡臺粧成集作新粧正含思莫拂畫梁埃

鷺

鄭谷

年去年來來去忙春寒煙暝度瀟湘低飛綠岸和梅雨散
集作亂作入紅樓棟一作杏梁閑机硯中窺水淺落花徑裏得
沉香千言萬語無人會又逐流鶯過短墻

巢鷺

胡汾

鷺來巢我簷我屋非高大所貴兒童善保爾無殃禍莫巢
孀婦家孀婦怨孤坐妬爾長雙飛打爾危巢破

雀

詠雀

沈趨

體類聚薄少滋腴色淺非丹翠不懼越王羞寧懷秦后珥
作肌傍簷葺寒草循場啄餘穗且欣大厦成馬須鴻鵠志

同前

李嶠

大厦成初日嘉賓集杏梁銜書表周瑞入幕應王祥暮宿
集作空作城裏朝遊連水傍願齊鴻鵠志希逐鳳凰翔

義雀行和朱評事

賈島

玄鳥雌雄俱春雷驚蟄餘口銜黃河泥室宜集作即翔天隅

一夕背集作皆莫歸曉曉遺眾鷓雙雀抱仁義甫之忘勞劬

集作甫食眾雛既儷飛集作鷓既雲間聲相呼鶯雀雖微

類集作恩感集作雀媿誠集作揚不殊禽賢難自彰幸蒙主人書

簷雀

楊發

弱羽怯孤飛投簷幸所依銜環唯報德賀厦本知歸紅紫

休爭顧丹心自識機從來攀鳳足生死戀光輝

子規

攝山聽子規

顧況

棲霞山中子規鳥口中血出啼不了山僧夜後初入來一作

間似不聞山月曉

山中聽子規

前人

幽人自愛前篇作野又近前篇作窻邊前篇作

子規

楊逵

杜宇寃亡積有時年年啼血動人悲若教恨魄皆能化何

樹何山着子規

聞子規

杜荀鶴見雜

楚天空闊月成輪蜀魄聲聲似告人啼得血流無用處不

如緘口過殘春

子規思

陳陶

春山杜鵑來幾日夜啼南家復北家野人聽此坐惆悵恐畏踏

落東園花

聞子規

羅鄴見詩

蜀魄千年尚怨誰聲聲啼血向花枝滿山明月東風夜正

是愁人不寐時

雜題

望栖鳥集作鳥

劉孝威

夕鳥亂參差單雄雜寡雌聯翩歸葉裏出沒噪林垂爭栖
時易樹驚飛忽度枝雖無繫書重亦有含櫻疲以茲憔悴
力重逢輕薄兒珠丸蘇合彈金繳青絲縻豈意翩翾羽遂
免更羸危入懷欣得地依林竊願知

廣鷓

韓愈

屋東惡水溝有鷓墜集作墜鳴悲青泥掩兩翅拍拍不得離
羣童叫相召瓦礫爭先之計校生平事殺却理亦宜奪攘
不愧耻飽滿盤天嬉晴日占光景高風送集作送追隨遂集作遂
陵鸞鳳群肯顧鴻鵠集作鵠卑今者運命窮遭逢巧丸兒中
汝要害處汝能不得施於吾乃何有不忍乘其危救集作救
汝將死命浴以清水池朝餐輟魚肉暝宿防狐狸自知無

以致蒙德久猶疑飽入深竹叢飢來傍集作傍堦基諒無責
報心固以聽所為昨日有氣力飛跳弄藩籬今辰忽徑去
曾不報我知僥倖非汝福天衢汝休窺京城事彈射豎子豈
集作不易欺勿諱泥坑辱泥坑乃良規

題戴勝

賈島

星點花冠道士衣紫陽宮女化身飛能傳上界春消息若
到蓬山莫放歸

啄木兒

朱餘慶

丁丁向晚急還稀啄遍類詩庭槐未肯歸終日與類詩君
除蠹害莫嫌集作噴無事不頻飛

越鳥

鄭谷

背霜南鴈不到處倚棹北人初聽時梅雨滿江春草歇一
聲聲在荔枝枝

蝶

詠花蝶

溫子昇

素蝶向林飛，紅花逐風散。花蝶俱不息，紅素還相亂。芬芬共襲予，歲蕤徒可玩。不慰行客心，遽動離君歎。

蝶

羅隱

漢王刀筆精，寫爾逼天生。舞巧何妨急，飛高所恨輕。野田黃雀慮山館，主人情此物那堪作。莊周夢不成。

同前

李商隱

飛來繡戶陰，穿過畫樓深。重傳秦臺粉，輕塗漢殿金。相兼唯柳絮，所得是花心。可要陵孤客，邀為子夜吟。

蜂

蜂

前人

小

集作沙

苑華池爛漫，通後門前。搯思無窮，宓妃腰細。纔勝

露趙后身輕，欲倚風紅壁。寂寥崖蜜盡，碧簷集作簾迢遞霧

巢空青陵粉，蝶休離恨長。定是一作是相逢二月中。

螢

詠螢

梁簡文帝

本將秋草并類聚今與夕風輕。騰空類星寶，拂樹若花生。

屏疑神火照，簾似夜珠明。逢君拾光彩，不恡此身傾。

月中飛螢

紀少瑜

遠度時依幕，斜來如畏窻。向月光還盡，臨池影更雙。

詠螢

沈旋

火中變腐草，明滅靡恒調。雨墜弗虧光，陽昇反奪照。泊樹類奔星，集草疑餘燎。望之如可灼，攬之徒有耀。

照帙秋螢

楊縉見初學記

秋窻餘照盡，入暗早螢來。忽聚還同色，怕然詎落灰。飛影

黃金散依帷縹帙開含明終不息夜月空徘徊

詠螢

于季子

卉草誠幽賤枯朽絕因依忽逢惜疑羽翼不覺生光輝直念
恩華重長嗟報効微方思助日月為許願曾二字飛

同前

李嘉運

映水光難定陵虛體自輕夜風吹不滅秋露洗還明向燭
仍藏焰投書更有情猶將流亂影來此傍簷楹

詠秋螢

虞世南

的歷流光小飄颻弱翅輕恐畏無人識獨自暗中明

螢火

杜甫

幸因腐草出敢近太陽飛未足臨書卷時能點客衣隨風
隔幔小帶雨傍林微十月清霜重飄零何處歸

螢

羅隱

空

集作秋

庭夜未央點的

集作點點

度危

集作西

墻抱影何卑

集作微

細乘時

忽發揚不思因腐草便擬倚孤光若道通文翰

集作

能通照

車公業豈長

同前

唐彥謙

日下蕪城莽蒼中濕螢掩亂起衰叢寒煙陳后長門閉夜
雨隋家舊苑空星散欲陵前檻月影低如試北窻風羈人
此夕方愁緒心似寒灰首似蓬

同前

周繇

熠熠與娟娟池塘竹樹邊亂飛同曳火成聚却無烟微雨
灑不滅輕風欲燃舊曾書按上頻把作囊懸

文苑英華卷第三百二十九

登仕郎胡柯

鄉貢進士彭

叔夏

校正

文苑英華卷第三百三十

詩一百八十

禽獸三蟲魚

蟬二十二首

促織二首

蜘蛛一首

馬三首三首

猿三首

獺一首

魚四首

龜一首

蟬

詠蟬

褚雲

類聚作雲

避雀喬

類聚作芳

枝裏飛空華殿曲天寒響屐嘶日暮聲逾速

類聚作促

繁吟如欲盡良韻還相續飲露非表清輕身易知足

後堂聽蟬

蕭子範

見初學記

試逐微風遠聊隨夏葉繁輕飛避楚雀飲露入吳園流音

繞蕞藿餘響切高軒借問邊城客傷情寧可言

同陸廷尉驚早蟬

沈君攸見初學記

日暮野風生林蟬候節鳴望枝疑數處尋空定一聲地幽吟不斷葉動噪羣驚獨有河陽令偏嫌秋翅輕

賦得新題寒樹晚蟬踈

張正見

寒蟬噪揚柳應朔吹類聚作梧桐葉迴飛難住枝殘影共空聲踈飲露後唱絕小園類聚作斷絃中還因搖落處寂寞盡

秋風

賦得秋蟬鳴柳應衡陽王教 前人

秋氣爽遙天園柳集集作驚蟬競噪長枝裏爭飛落葉前風高知響急樹近覺聲連長楊流唱盡詎識蔡邕絃

在獄詠蟬

駱賓王

西陸蟬聲唱南冠客思侵那堪玄鬢影來對白頭吟露重飛難進風多響易沈無人信高潔誰為表清集作心

始聞夏蟬

韋應物

徂夏暑未晏鳴蟬集作蟬鳴景已曛一聽知何處高樹但侵雲響悲遇衰齒節謝屬離群還憶郊園日獨向此澗集作中間

新蟬

耿緯一作司空曙

今朝蟬忽鳴遷客若為情便覺一年謝能令萬感生微風方滿樹落日類詩稍沉城為問同懷者淒涼聽幾聲

新蟬酬劉夢得見寄

白居易

開緘思浩然閑集作詠晚風前人貌非昨集作日蟬聲似去年槐花新雨地柳影欲秋天聽罷無他計相思又一篇

間蟬寄賈島

姚合

秋來吟更苦集作未秋半咽半隨風禪客嫌心集作應亂遊人願耳集作願集作襲雨晴高樹裏日晚古城中遠思應難盡誰

當與我同

客中間早蟬

于武陵詩見類

江頭一聲起芳歲已難留聽此高林上遙知故國秋應催
風落葉似歡客回舟不是新蟬苦年年自可愁

病蟬

賈島

病蟬飛不得向我掌中行折翼猶能薄酸吟尚極清露華凝
在腹塵點誤侵睛黃雀并兼集作為鳥俱皆集作懷害爾情

風蟬

趙嘏

風蟬旦夜鳴伴葉送新聲故里客歸盡水邊身獨行噪軒
高樹合驚枕暮山橫聽處無人見塵埃滿甌生

早蟬

薛能

不見上庭樹日高聲忽吟他人豈無耳遠客自關心暫落
還因雨橫飛亦向林分明去年意從此漸聞砧

聽蟬

趙嘏

噪蟬聲亂日初曛絃管樓中永不聞爭詩選柰愁人數莖
鬢詩選故園秋隔五湖雲

蟬

雍陶

高樹蟬聲入晚雲不唯愁君何時各得我復愁身類詩無
事每到聞時似不聞作心

蟬

張嶠

先秋蟬一悲長是客行時曾感去年者又鳴何處枝細聽
殘韻在迴望舊聲遲斷續誰家樹涼風送別離

蟬

許棠

化造全微物偏應候鳴初離何處樹又發去年聲騷
屑隨風遠悠揚類葉輕報秋涼漸至朔月思偏清牙點疑
相答微搖似欲行繁音人已厭朽殼蟻猶爭朝士嚴冠飾宮
嬪逞鬢名亂依西月噪多引北歸情篠露疑潛吸蛛絲迸忽

縈此時吟立久萬緒一時生

蟬

集作聽新
蟬寄張畫

方干

細聲頻斷續審聽亦難分
鬢歸應移處從容却不聞
蘭棲朝咽露樹隱
暝吟雲若集作莫遣
鄉愁起吾懷只是集作似君

蟬

羅鄴

纔入新秋百感生就中蟬噪最堪驚
能催時節凋雙鬢愁到類詩作對江山聽一聲
不傍管絃拘醉態偏依楊柳撓類詩作引

離情故園聞處猶惆悵況是經年萬里行

蟬

羅隱

天地功夫一不遺與君聲調借君綾
風栖露飽今如此應忘當時滓濁時

夜蟬

唐彥謙

翠竹高梧夾後溪勁風危露兩淒淒
那知北牖殘燈暗又

送西樓片月低清夜更長應未已
遠煙尋斷莫頻嘶
霸人此夕如三歲不整寒衾待曙雞

促織

促織

杜甫

促織甚微細哀音何動人
草根吟不隱床下夜相親
久客得無淚放集作故妻難及
晨悲絲集作絃與急管感激異天真

同前

張喬

念爾無機自有情迎寒辛苦弄梭聲
椒房金屋何曾識偏向貧家壁下鳴

蜘蛛

蜘蛛諷

孟郊

一作聶
夷中

萬類皆有性各各稟天和
蠶身為爾集作汝身爾集作汝身何太訛
蠶身不為己爾心集作汝身不為他
蠶絲為衣裳爾絲為

網羅濟物既無功，害物日已多。百蟲雖有集作切，恨其將柰爾何。

馬

西齋行馬

梁簡文帝

晨風白金絡，桃花紫玉珂。影斜鞭照曜，塵起足蹉跎。任俠稱六輔，輕薄出三河。風吹鳳凰袖，日映織成靴。遠江艫舳少，遙山煙霧多。雲開瑪瑙華類聚作葉，水淨瑠璃波。廣路拂青柳，回塘繞碧莎。不効孫吳術，寧須趙李過。

繫馬

同前

青驪沉赭汗，綠地懸花蹄。未垂青鞵尾，猶挂紫鄣泥。蹠足鞞中憤，搖頭握上嘶。紫關如未息，直去取榆溪。

登山馬

同前

登山馬間樹，玉勒黃金裝。草合宜羈短，影轉見鞭長。何殊

八公岫，暫上淮南王。

賦詠登山馬

梁元帝

登山馬，逕小逕小。馬繞通汗赭，疑沾勒衣香。不逐風何殊，隴頭望遙識。祁連東。

後園看騎馬

同前

良馬出蘭池，連翩驅桂枝。鳴珂隨躅駛，輕塵逐影移。香來知驟近，汗斂覺風吹。遙望黃金絡，懸識幽并兒。

賦得馬

劉刪

獨飲臨寒窟，離羣思北風。陳王欲觀儷，御史自隨驄。邊聲隕客淚，果下益桃紅。怕持沛艾影，解向平陵東。

賦得邊馬有歸心

沈炯

窮秋邊馬肥，向塞甚思歸。連鑣渡蒲海，東舌下金微。已却魚麗陣，將摧鶴翼圍。彌憶長楸道，金鞍類聚作鞞背落暉。

詠老馬

前人

昔日從戎陣流汗幾東西一日馳千里三丈枝深溪渡水
頻傷骨翻霜屢損蹄勿言年齒暮尋途尚不迷

詠飲馬

唐太宗

駿骨飲長涇奔流灑絡繹細紋連噴聚亂荇遶蹄縈水光
鞍上側馬影溜集作中橫翻似天池裏騰波龍種生

詠飲馬應詔

揚師道見初學記

清晨控龍馬弄影出花林躑躅依春澗聯翩度碧潯苔流
染絲絡水絜寫彫簪一御瑤池駕詎憶長城陰

詠馬

前人

寶馬權奇出未央雕鞍照曜紫金裝春草初生馳上苑秋
風欲動戲長揚鳴珂屢度章臺側細蹀經向濯龍傍徒令
漢將連年去宛城今已賦初學記名王

病馬

杜甫

乘汝集作亦已久天寒關塞深塵中老盡力歲晚病傷心毛
骨豈殊衆馴良猶至今物微意不淺感激集作一沉吟

文華題杜甫病馬詩二首總目同第一一篇云致此自僻遠又非
珠玉裝如何有奇恠每夜吐光芒虎氣必騰上龍身寧久藏風
塵苦未息持汝奉明王按本集乃是蕃劍詩觀詞意亦然其病
馬只是一首當時誤編

羽林騎

韓翃

駿馬牽來御柳中鳴鞭欲過渭橋東紅蹄亂踏春殘雪花
頷頻嘶上苑風

觀調馬

前人

鴛鴦赭白齒新齊晚日花中教碧蹄玉勒斗回初噴沫金
鞭欲下不成嘶

奉和劉祭酒傷白馬

此馬勅賜寧王轉贈祭酒

羅維

沛艾如龍馬來從上苑中棣華恩見賜伯舅禮仍崇鏡點

黃金眼花開白雪駿性柔君子德足逸大王風色照鳴珂
淨聲連噴玉雄食場恩未盡過隙命旋終練影依雲沒銀
鞍向月空仍聞樂府唱 猶念代勞功

蒙裴相公集作司空賜馬謹以詩謝 張籍

綠耳新駒已有集作駿得名司空自選集作遠自寄書生遠集作來離

華厩移蹄滋初到貧家覺集作舉眼驚每見集作被閑人多被集作來問

唯集作多尋古寺獨騎行思量幾夜集作思歲旦沙堤上得從鳴

珂倚集作傍火城

酬張祕書因寄馬贈詩 裴度

滿城馳逐皆求馬古寺閑行獨與君代步本慙非逸足緣

情何幸枉高文若逢佳麗從集作須將換莫共駕駘角出群飛

鞚着鞭能顧我當時王粲亦從軍 李絳

和前

高才名價欲陵雲上駟光華遠贈君念舊露垂丞相簡感
知星動客鄉文縱橫逸氣寧稱力馳騁長途定出羣伏櫪莫
令空度歲黃金結束取功勳

同前集作賀張十八祕書得裴司空馬 韓愈

司空遠寄養初成衫集作毛色桃花眼鏡明落日已曾交

轡語春風還擬並鞍行長令奴僕知飢渴須着賢良待性

情旦夕公歸申一作伸拜謝免勞騎去雜詠作去逐雙旌

同前 張賈

閭下從容舊客卿寄來驄馬賞高情司空詩云古寺閑行獨與君任追

煙景騎仍醉知有文章傍便成步步自憐春日影蕭蕭猶起

朔風聲須知上宰吹噓意送入天門上路行

同前 元稹

丞相功高猷武名牽將戰馬寄儒生四蹄筍距藏雖盡六

尺鬚一作鬚頭見尚驚減粟偷憎兒未飽騎驢詩客罵先行
勸君還却司空着莫遣衙參傍子成

同前

白居易

齒齊臙足毛頭膩祕閣張家集作郎叱撥駒洗了頷花翻假
錦走時蹄汗踏真珠青衫乍見曾驚否紅粟難賒得飽無
丞相寄來應有意遣君騎去上雲衢

同前

集作裴相公大學士見示答張祕書謝馬詩并羣公屬和因命追作

劉禹錫

草玄門戶少塵埃丞相并州寄馬來初自塞垣銜首藉忽
行幽逕破莓苔尋花緩轡威遲去帶酒垂鞭蹶蹶迴不與
王侯與詞客知輕富貴重清才

駕驥吟

韓愈

駕駘誠齷齪市者何其稠力小苦易制價微良易酬渴飲
一斗水飢食一束芻嘶鳴當大路志氣若有餘驥驥生絕

域自矜無匹儔

牽驅

集作牽驅

入市門行者不為留借問價幾

何黃金比崇

集作嵩

丘借問行幾何咫尺視九州飢食玉山

禾渴飲醴泉流問誰能為御曠世不可求唯肯穆天子乘
之極遐遊王良執其轡造父夾集作挾其鞞因言天外事荒

惚使人愁駘駘謂驥驥餓死余爾羞有能必見用有德必
見收孰云時與命通塞皆自由驥驥不敢言言低徊但垂
頭人皆劣驥驥共以駘駘優喟予獨興歎才命不同謀寄
詩同心子為我商集作高聲謳

答韓十八駘驥吟

歐陽詹

故人舒其憤昨示駘驥篇駘駘以集作取易售陳驥以難知

言委曲感既深咨嗟詞亦殷伊情有遠瀾余志遊其源
室在周孔堂道適堯舜門調雅聲寡同途遐勢難翻顧
茲萬恨來假彼二物云賤貴而貴賤世人良共然巴集作芭

蕉一葉妖茂葵一花妍畢集作異無材實資手植堦墀前

柵十圍瑰松栢百尺堅罔念梁棟功野長丘墟邊傷哉昌黎

韓馬得不迤邐上帝本厚生大君方建元寶一作實將庇羣

忙庶此規崇軒班爾圖未安掄擇期精專君看廣厦中豈

有樹庭集作庭前萱

有小白馬乘馭多時奉使東行至稠桑驛盍然

而斃足可驚傷不能忘情題二十韻 白居易

能驟復能馳翩翩白馬兒毛寒一團雲駿薄萬條絲阜蓋

春行日驪駒曉從時雙旌前獨步五馬內偏騎芳草承蹄

葉垂揚拂頂枝跨將迎好客惜不換妖姬慢鞚遊蕭寺閑

驅醉習池睡來乘作夢興發倚成詩鞭為馴難下鞍綠穩

不離北歸還共到東使亦相隨赭白何曾變玄黃豈得知

嘶風覺聲急踏雪恠行遲昨夜猶芻秣今朝尚繫維卧槽

應不起顧主遂長辭塵滅駸駸跡霜留皎皎姿度關刑未

改過隙影難追念倍燕求駿情深項別驩銀收鈎臆帶金

卸絡頭羈何處埋奇骨誰家覓弊帷稠桑驛門外吟罷涕

雙垂

病馬五首

到渥洼到一作別

曹唐

駮駮一作綠耳何年到渥洼病來顏色半塵沙四蹄不鑿金一作銀砧

裂雙眼慵開玉燭斜墮月兔毛乾斛觶一作輕失雲龍骨

瘦查牙一作牙平好原放無人放嘶向秋風首宿花一作皆唐

二

龍上池葱葉正齊騰黃猶自躅羸蹄尾蟠夜雨紅絲脆頭

捽秋風白練低力憊未思金絡腦影寒空望錦障泥皆前

莫恠垂雙淚不遇孫陽不敢嘶又玄集作階前莫錯雙

三

唐宋類詩指此篇為曹松作

不剪焦毛驢半翻何人別一作識是故龍孫風吹一作雪侵病骨無
驕氣土蝕驄花見臥痕未噴斷一作噴雲歸漢苑曾追輕一作
已曾練過吳門一朝千里心猶在爭一作誰肯潛忘一作施秣
飼恩一作皆唐宋類詩

四

空被秋風吹病毛無因濯浪刷洪濤卧未惣恠龍蹄踞瘦
盡誰驚虎口高追電有心猶款段逢人相骨強嘶號欲將
駘驢重裁剪乞借新成利鉸刀

五

病久無人着意看玉華衫疑作毛色欲凋殘飲驚白露泉花
冷喫怕清風豆葉寒長襜敢辭紅錦重舊韁寧畏紫絲蟠
王良若許相擡策千里追風也不難

馬

陳凝

未明龍骨駿幸得到神州自有千金價寧忘伯樂酬雖知
殊款段莫敢比驂騑若遇追風便當軒一舉頭

浴馬

喻鳧見類詩

解控復收鞭長津動細漣空蹄沉綠玉閣臆浸連錢沫漩
橋聲下纏盤柳影常聞稟龍性固與白波便

八駿圖

羅隱

穆滿當年物外程電腰風脚一何輕如今縱有驂騑在不
得長鞭不肯行

猿

詠夜猿啼

蕭銓見初學記

挂月影才通猿啼迴入風隔崑還嘯侶臨潭自響空挂藤
疑取飲吟枝似避弓別有三聲淚霑裳竟不窮

放猿

許渾

慙慙解金鑠別雜詠昨夜雨淒淒山淺憶巫峽水寒思建溪

遠尋紅樹宿深向類詩白雲啼好去長江路來類詩作好覓

好覓南煙蘿更莫類詩作莫自迷

巴江夜猿

馬戴

日飲巴江水還啼巴岸邊秋聲巫雨斷夜影楚雲連雪滴青楓樹山空明月天誰知泊帆者聽此不能眠

獺

有獺吟

劉禹錫

有獺得嘉魚自謂天見憐先祭不敢食捧鱗望清玄人立寒沙上心轉眼悄悄集作脰漁翁以為妖舉塊投其咽呼兒貫魚歸與獺同烹煎關關黃金鶚大翅搖江烟下見盈尋魚投身孽洪漣攫拏隱嶙去哺鷓林岳巔鴟鳥欲伺隙遙噪莫敢前長居青雲路彈射無由緣何地無江湖何水

無鮪鱸天意不宰割菲祭徒虔虔空餘知禮重載在淹中篇

魚

賦得魚躍水花生

張正見

漾色桃花水相望濯錦流躍浦疑珠出依池似鏡浮陵波銜落蘂觸餌避沉鈎方游蓮葉外初學記入武王舟

賦得蓮下游魚

阮卓

春色映澄陂涵泳且相隨未上龍門路聊戲芙蓉池觸浪蓮香動乘流葉影披相忘自有樂莊惠豈能知

魚

岑德潤

劍影侵波合珠光帶水新蓮東自可戲安用上龍津

放魚

竇鞏

黃金雜詠作贖得免刀痕聞道禽魚亦報雜詠恩好去長江千萬里不須辛苦上龍門

龜

詠龜

趙儒宗

有靈堪作

初學記作記

夢無心解自謀不能著下伏強從蓮上

浮

初學記作游

負圖非所冀支牀空見留儻蒙一曳尾當為回頭

文苑英華卷第三百三十

登仕郎胡柯

鄉貢進士彭

叔夏

校正

